

IREEO ZAVA-MITRANGA

MODERINA DIA LASA MAZAVA

NOHON'NY FAMINANIANA

 Ndao isika hanondrika ny lohantsika. Ray any An-danitra malala, misaotra Anao izahay izao hariva izao satria mamaly ny vavakay Ianao. Io vehivavy mahantre malala mandry eo io, izay tsy nahomby ny fandidiana. Fa, O Andriamanitra, mahatsiaro an'ilay fandidiana voalohany hany natao teto antany izahay, Ianao no nanao an'izany tamin'ny Tenanao. Nesorinao avy tao amin'ny lanivohon'i Adama, ny taolan-tehezana iray, nanakatona an'ilay voadidhy, ary nanao vady iray. O Ray, mivavaka aho izao hariva izao mba hidina ny Tànanao ankehitriny ka hanao an'io zavatra lehibe izay angatahanay io. Ary ireo hafa, Tompo, io vehivavy izay mijaly amin'ny fampahorianana ara-tsaina io, ireo hafa rehetra izay manana fangatahana, dia apetrakay Amino fotsiny izy ireo, Ray, miaraka amin'ny fonay manontolo. Amin'ny Anaran'i Jesosy Kristy. Amena.

Tombontsoa iray marina tokoa ny tonga eto izao hariva izao ka manana an'ity mpanatrika tsara ity ho jerena. Ary fihirana tsara, ilay antoko mpihira kely mahafinaritra. Nieritreritra fotsiny an'ilay fahasamihafana aho, mahita an'ireo zazalahy mitsangana eo ireo miaraka amin'ny...zazalahy madio endrika, volo tapaka madio. Nieritreritra aho, omaly hariva, ny—ny amin'ny toerana izay ipetrahako; niditra ny andiana mpanendaka iray tany ary niezaka ny hahafaty andrano zazalahy iray tao anatin'ny dobo filomanosana; tsy maintsy niantso zavatra anankiray izy ireo ka naka azy hivoaka tao. Fahasamihafana iray toy ny inona, ny mahita an'ireo ankizy mitsangana, mihira an'ireo hira ara-Pilazantsara; fahasamihafana iray toy ny inona.

² Mieritreritra aho, tahaka ny nolazain-dRahalahy Henry teo hoe, “ireo lehilahy miaraka amin’ny volony izay tokony hananan’ny vehivavy,” hitanareo. Izany—izany—marina izany. Mitovy amin’ny...Mahita an’ireo zazalahy manandrana an’izany aho, banana an’izany volo izany, asian’izy ireo an’ireny fanolanam-bolo ireny mihitsy aza eo amin’izany, manodidina ny tavan’izy ireo. Ary tsy fantattro, izaho...matetika dia lasa kivy aho. Ilay izy dia toy ny hoe—hoe tena fotoan’ny fanimbàna iray marina tokoa izao. Ireo lehilahy dia miezaka manao an’ireo fitafiam-behivavy, ary ireo vehivavy manao an’ireo fitafian-

dehilahy. Ary ireo lehilahy mamela ny volony hitovy amin'ny vehivavy, ary ny vehivavy manao ny volony hitovy amin'ny lehilahy. Inona ny olana amin'ity vahoaka ity, na izany aza? Efa niala, marina tokoa, tamin'ity firenena ity sy ireo olona ireo ve ireo tena kofehin'ny fahamaotinana sy ny haja, ity izao tontolo izao ity?

³ Fotoana mampahatahotra iray izao, saingy izao no fotoana be voninahitra indrindra eto amin'izao tontolo izao, mba hitoriana ny Filazantsara. Raha afaka nitsangana teo amin'ilay moron-tevan'ny fotoana talohan'ny nahatongavany teo amin'ny fisiana aho, ka ho njery ah y ilay Ray, ary nanao hoe, "Inona amin'ireo taona rehetra ireo no tianao hitoriana teny?" Dia tiako ho izao ankehitriny izao izany, marina izany, alohan'Ny Fihaviany mihitsy.

⁴ Mijery ny mpanatrika aho, mipetraka eto anoloantsika eto... Mpitoriteny sakaizako iray, tany Tucson omaly, nitaingina soavalny iray. (Mieritreritra an'io lehilahy miaraka amin'io... io vehivavy miaraka amin'ny aretin-taolana ao amin'ny lamosiny io.) Nanjera azy io soavalny io. Niantso ahy ny lehilahy hafa anankiray tamin'ny iray ora aninkeo maraina, tao amin'ny hoteliko, ka nanao hoe, "Ao amin'ny Veterans Hospital ilay lehilahy, ary mangirangirana ny masonry, torotoro ny lamosiny, nivoaka ny voany, sady efa saiky mihamalemy ny fony." Dia nandohalika teo amin'ny gorodona teo aho, tamin'ny lohaliko; tamin'ny telefona, nahazo azy teo amin'ny fifandraisana, ka nivavaka ho azy. Ary indro izy mipetraka eto izao hariva izao, mipetraka eto mihitsy. Omaly hariva izany. Bob, hitsangana eo fotsiny ve ianao? Io ilay lehilahy, eo mihitsy. [Mitehaka ny fiangonana—Mpand.] Mamaly vavaka Andriamanitra, amin'ny maraina, amin'ny hariva, amin'ny mitataovovonana, amin'ny misasakalina, na amin'ny fotoana rehetra.

⁵ Ankehitriny, izaho—karazan'ny mpitoky teny lava resaka iray aho, araka ny iantsoan'izy ireo azy. Halako kely fotsiny ny hanomboka amin'ity oran'ny hariva ity, ka—ka nieritreritra aho fa ho tonga fotsiny. Indray hariva, nahoana, niresaka teto isika tao amin'ny toerana iray, ary ny... dimy ambin'ny folo minitrta taorian'ny nitenenako, dia nangorona an'ireo vilia ny olona ka nampahfantatra ahy hoe, "Ajanòn! Mangìna, tsy maintsy miala eto ianao," teo am-pifohana sigara, sy nanao hadalana. Izany dia tsy—tsy fahadisoan'ilay mpanao fanasana, izany dia ireo olona izay nampanofa anay an'ilay izy. Ary ny—lasa ny vadim'ilay filoha ka niteny tamin'ilay mpiarakara, nilaza...

⁶ Hoy izy, "Eny, natao hivoaka eto amin'ny 9:30 ianareo."

⁷ Hoy izy, "Tsy nametraka an'izany tao amin'ny fifanekena mihitsy ianareo."

⁸ Io ramatoa io, izao hariva izao, dia tonga teto izy (tena ramatoa mahafinaritra) ary hoy izy hoe, "Azonay fa ilainareo ilay izy," hoy izy, "alaivo fotsiny ela arak'izay ilainareo azy ilay izy." Noho izany dia tena nahafinaritra ilay izy. Noho izany tena mankasitraka an'ilay izy aho. Tena mahafinaritra izany.

⁹ Rahalahy Henry, mankasitraka tokoa aho ny—ny fahatsaram-panahinao nanasa ahy eto, ary ity favoriana ity.

¹⁰ Nanana tombontsoa aho ny tonga teto tao amin'ny Assemblées de Dieu izay inoako fa Rahalahy Boone no pasitera. Nanana fotoana nahafinaritra aho tany niaraka tamin'io vondron'olona io. Ary rahampitso hariva dia handeha any ho any eto izahay, tsy fantatro hoe aiza ilay izy, ary favoriana hafa iray izany. Mikarakara an'izany izy ireo; manohy mivavaka fotsiny aho, mamaky, ary mandeha hatrany, ary saiky izay ihany no azoko hihazonana.

¹¹ Fa, ankehitriny, dia mahita zavatra hafahafa isika amin'izao andro izao. Ankehitriny tsaroako ilay fotoana farany naha-teto ahy, tao amin'ny favoriana anaty tranolay iray izany. Tsaroako ny fireshana an'izany omaly hariva, ny amin'ny mpivady kely izay nitondra ny zanany kely maty tao. Izany—tany ho any teto izany, namily fiara andro sy alina manontolo izy ireo. Nipetraka ilay reny kely, nalahelo, nihazona an'ilay zazakely teny an-tsandriny. Ankehitriny, mety mipetraka eto mihitsy izy izao ankehitriny izao, raha araka ny fantattro. Ary izy . . . ilay vady kely, mpivady iray na mpivady mihoatra no niaraka tamin'izy ireo, ary izy ireo dia . . . Ary nilaza izy . . . nanontany ahy raha afaka ny ho tonga (ilay lehilahy no nanontany) teo amin'ilay fiara aho. Noraisiko ilay zaza kely ary nohazoniko fotsiny izy; endrika kely iray, maty, nihinjitra, nangatsiaka; dia nanomboka nivavaka aho. Ary rehefa nivavaka aho, dia nanomboka nahatsapa toy ny hoe nihafana io vatana io. Noho izany fotsiny aho . . . nanohy nivavaka aho. Nanomboka nandaka sy nihetsika izy, nitohy hatrany, noho izany aho . . . nanomboka nitomany. Naveriko tamin'ilay reny izy, nandeha nody niaraka taminy. Noho izany, mety tsy mbola Kristiana akory aza izy ireo, raha araka ny fantattro. Hitanareo? Nahafinaritra izany.

¹² Fa ny eritreretiko, izao hariva izao, izaho dia mahafantatra fiangonana iray eo am-pahafatesana, ihany koa, ireo vahoakantsika Pentekotista izany. Tsy maintsy mihetsika miala amin'izany isika, ah-hah, dia izay ihany. Ary ny fomba tokana izay hanaovanareo an'izany dia ny vavaka sy ny milahatratr amin'ny Tenin'Andriamanitra. Izany ihany no fomba tokana hanaovanareo azy. Tokana ihany ny lâlana ivoahana, Izy izany Lâlana izany, Jesosy Kristy ilay tsy miova omaly, anio, ary mandrakizay. Ho tiantsika ve ny fiangonantsika hiditra ao amin'ilay toerana arak'izay nolazainy tany, tahaka ny any Angletera? Izany no antony nahatonga ahy, izay heverinareo, hoe tena masiaka, mivazavaza anareo. Ary tsy fanahy iniako

ny manao an'izany, fa tsy te-hahita an'ilay fiangonana hiditra ao amin'io karazana toerana iray io aho. Tsy tianareo ny ho ao amin'io toerana io. Ianareo—tsy maintsy mandentika an'Izany tena mafy mihitsy ianareo hany ka mamantsika Azy ianareo ary manao Azy hipetraka mafy. Izany no tsy maintsy atao.

¹³ Noho izany ankehitriny, izao hariva izao, manana fotsiny aho... Soratra sasantsasany sy lahateny eto izay tiako ho reshana vetivety. Tsy hilaza fotoana iray aho. Vizaka ianareo, nahoana... Mety hahavita ao anatin'ny telopolo minittra aho, ary miankina fotsiny amin'ny... Somary avelako fotsiny ho an'ny Fanahy Masina foana izany, na inona na inona lâlana Itarihany.

¹⁴ Ndao isika hanondrika ny lohantsika vetivety fotsiny ihany, hiresaka amin'ilay Mpanoratra alohan'ny hanokafantsika Ny Bokiny.

¹⁵ Andriamanitra Tsitoha, ilay Mpanoratra an'ity Boky ity, mivavaka amin'ny alàlan'i Jesosy Kristy izahay. Mankasitraka izahay ny amin'izay efa renay izao hariva izao. Raha toa izahay ka tsy maintsy—tsy maintsy hanisy tsindrim-peo an'ity favoriana ity amin'ny fanaovana, "Amena," ka handeha hody, dia tsara ny tonga teto, satria fantatray fa efa nomba anay Ianao. Ary, Ray, raha manokatra an'ity Teny ity izahay ankehitriny, dia miresaha mivantana aminay avy amin'ity Teny ity, mba ahafahanay mahafantatra ny ora izay iainanay. Raha fantatray ny ora izay iainanay, amin'izay fotoana izay dia afaka miomana ho an'izany ora izany izahay; fa raha miditra am-pahajambana izahay tsy mahafantatra hoe *inona* na *aiza*, amin'izay fotoana izay dia tsy fantatray hoe ahoana no hiomanana. Noho izany, Ray, mivavaka izahay mba Hamelanao anay hahita an'ilay Sambofiara eo, sy ilay Varavarana, misokatra, ary ilay Hafatra miantso anay hiditra. Ekeo izany amin'ny alàlan'ny Anaran'i Jesosy Kristy. Amená.

¹⁶ Ao amin'ireo Soratra Masina, dia tiako ny hamaky lahateny iray eto; hita ao amin'ny Bokin'i Masindahy Lioka, eo amin'ny toko faha-24, ny... Hanomboka amin'ny andininy faha-13 aho, ary hamaky ampahany iray amin'Izany.

Ary, indro, ny roa tamin'izy ireo nandeha tamin'izany andro izany avy tamin'ny vohitra nantsoina hoe Emaosy, izay tokony ho enimpolo stadio avy ao Jerosalema—stadio lavitra.

Ary izy ireo dia niara-niresaka... an'ireo zavatra izay nitranga ireo.

Ary izao no niseho, fa, raha mbola niara-nisaina izy ireo dia... Jesosy izy tenany no nanatona akaiky, ary nandeha niaraka tamin'izy ireo.

Nefa ny mason'izy ireo dia nohazonina mba tsy hahafantarany azy.

Ary hoy izy tamin'izy ireo, Karazana resaka inona izany ifampiresahanareo izany, raha mandeha ianareo, ary malahelo?

Ary ny iray tamin'izy ireo, izay Kleopasy no anarany, dia namaly ary nanao taminy hoe, Ianao irery ihany ve no vahiny any Jerosalema, ary ianao dia tsy nahafantatra an'ireo zavatra rehetra izay efa niseho . . . amin'izao andro izao?

Fa hoy izy tamin'izy ireo, Zavatra inona? Dia hoy izy ireo taminy, Mikasika an'i Jesosy avy any Nazareta, izay mpaminany mahery tamin'ny asa sy ny teny teo anatrehan'Andriamanitra sy ny vahoaka rehetra:

Ary ahoana fa ny lohan'ny mpisorona sy ireo mpanapaka no nanolotra azy tamin'ny . . . ho voaheloka ho faty, ary nanohombo azy.

Nefa natoky izahay fa izy no efa hanavotra ny Isiraely: ary ankoatr'izany rehetra izany, dia androany no andro fahatelo hattrizay nahavitan'ireo zavatra ireo.

Eny, ary ny sasany amin'ireo vehivavy izay namanay ihany koa dia nahavery hevitra anay, izay efa . . . tany amin'ny fasana;

. . . rehefa tsy hitan'izy ireo ny vatany, dia tonga izy ireo, nilaza, fa nahita fahitana anjely koa izy ireo, izay nilaza tamin'izy ireo . . . izay nilaza fa velona izy.

Ary ny sasany izay niaraka taminay dia nandeha nankany amin'ny fasana, ka nahita arak'izay nolazain'ireo vehivavy mihitsy aza: nefo izy izy ireo . . . nefo izy tsy hitan'izy ireo.

Avy eo dia hoy izy tamin'izy ireo hoe, O ry adala, sy votsa fo mba hino (tsy mino) an'izay rehetra notenenin'ireo mpaminany:

Tsy tokony hiaritra an'ireo zavatra ireo ve Kristy, ka . . . niditra tao amin'ny voninahiny?

Ary nanomboka tamin'i Mosesy sy ny mpaminany rehetra, nambarany tamin'izy ireo . . . ny soratra rehetra ny amin'ireo zavatra mikasika ny tenany.

Enga anie ny Tompo hanampy ny Fitahiany amin'ny famakiana Ny Teniny.

¹⁷ Ankehitriny dia raisiko . . . raha miantsy azy ho lohahevitra iray aho, dia tiako ny haka an'izao: Ireo zava-mitranga . . . *Ireo Zava-mitranga Moderina Dia Lasa Mazava Nohon'Ny Faminianiana*. Ankehitriny, efa an'Andriamanitra foana . . . ilay fomban'Andriamanitra tsy miova ny mampa- . . . mamela ny Olony hahafantatra mialoha alohan'ny hitrangan'ireo zava-mitranga sasany.

¹⁸ Raha mba nitady an'Andriamanitra fotsiny mantsy ny olona tamin'ny andron'ny Tompo Jesosy ka nahafantatra an'izay hiseho mihitsy, dia tsy ho nanameloka an'i Jesosy ho faty izy ireo. Fa ny anton'izany, dia satria tsy maintsy tanteraka ny Soratra, satria tsy maintsy nohajambaina ireo Jiosy. Mahalala tsara an'izany isika rehetra.

¹⁹ Fantatrareo ve fa izany indray no nampanantenaina ao amin'ity tena taona izay iainantsika ity? Ilay Taonan'ny Fiagonana Laodikiana, ity taom-piagonana fahafito izay misy antsika ankehitriny ity, dia mitanjaka, mahanttra, jamba, nefá tsy fantany izany. Tahaka ny Nanajambany azy ireo tany ho an'ny tanjona hitondrana Ny Hafany ho an'ilay vahoaka voafidy, dia nampanantena Izy ny hanao an'ilay zavatra iray ihany amin'izao andro izao.

²⁰ Koa raha hilaza an'izao ho fanajana aho, ary ho an'ny rahalahiko sy anabaviko rehetra ao amin'i Kristy, indray andro any dia hisy olona iray hanao hoe, "Tsy efa voasoratra ve fa hitranga aloha ireo zavatra ireo?"

²¹ Ary izany dia ho tahaka an'izay naha-izy azy tamin'izany hoe, "Marina tokoa, Lazaiko aminareo, efa tonga izy, fa izy ireo no nanao an'izay tiany natao taminy."

²² Rehefa nanontany Azy izy ireo, nanao hoe, "Nahoana, milaza ireo mpanora-dalana, ary milaza ny Soratra fa—fa 'Elias dia tsy maintsy tonga aloha.'" Izany no nolazain'izy ireo tamin'i Jesosy.

²³ Hoy Izy hoe, "Efa tonga izy, fa ianareo no tsy nahafantatra azy." Hitanareo? Ary ho tahaka an'izany angamba no hiafarany indray.

²⁴ Ankehitriny dia tiantsika ny ho ampahafantarina, ny hahafantatra izay tsy maintsy hiseho ho an'ity taona izay iainantsika ity. Nitsinjara Ny Teniny tamin'ny taona tsirairay Andriamanitra, ampahany betsaka isaky ny taona tsirairay, ary tsy maintsy manamarika isika fa ny taona iray dia tsy afaka mitohy ao anatin'ny taona hafa anankiray. Tsy hety mihitsy izany. Ohatra, araka ny nolazaiko, mino aho fa omaly hariva na... Miteny tsy anktsahatra aho, isaky ny hariva, toerana, ary matetika aho dia manao fanamarihana fanindroany. Tsy fanahy iniana no hamerenako ny tenako. Fa milaza an'izao aho: Inona no... soa hanaovan'izany an'i Mosesy hanandrana history ny hafatr'i Noa? Na inona no ho soa... hanaovan'izany an'i Jesosy hanandrana history ny hafatr'i Mosesy? Na inona ny soa hanaovan'izany an'i Martin Luther hanohy miaraka amin'ny hafatry ny Katolika? Inona no soa hanaovan'izany an'i Wesley hanohy miaraka amin'ny hafatry ny Loterana? Inona no soa hanaovan'izany an'ireo Pentekotista hanohy miaraka amin'ny hafatry ny Metodista? Na inona ny soa hanaovan'izany ny Pentekosta hanohy nefá efa nantsoina ny Ampakarina? Hitanareo, tonga eo amin'ny fotoan'ny voa mihitsy isika, eo

amin'ny andro farany isika izao. Ankehitriny, raha tsy milatsaka amin'ny tany ny voam-bary iray, dia mitoetra irery izy.

²⁵ Tahaka an'ilay mpitsikera, tahaka ny nanaovako fanamarihana hatramin'ny nivoahan'ilay boky, angamba manana azy ianareo eto amin'ny—ny tanànananareo, ilay mpanoratra Alemandy izay nanoratra ny anankiray amin'ireo lahatsoratra mpitsikera indrindra. Tsy mahatoky iray izy. Mazava ho azy fa tsy... Tsy manameloka azy aho satria hoe nanameloka ahy tahaka an'izany izy; fa, satria, amin'ny mahatoky iray, dia tsy tokony ho eo amin'ireo talantalanana mihitsy ilay boky. Ary hoy izy hoe, "Andriamanitra iray izay afaka nipetraka ka nilaza fa afaka manokatra ny Ranomasina Mena sy hanafaka ny Olony Izy, nefo avy eo dia nipetraka nanakombona ny Tànany teo amin'ny Kibony ary njery an'ireo Kristiana nandritr'ireo Taona Maizina norovitin'ireo liona ho potipotika; ireo reny niaraka tamin'ireo volony nolomana tao anaty godorao, ary nahantona teo amin'ny hazo fijaliana ka nodorana; ary ireo zanany kely... ireo reny niandry zaza, notriarin'izy ireo ilay kibo ka nilokan'izy ireo ny taovam-pananahan'ilay zaza; ary nipetraka ka namela an'izany hitranga; ireo olona izay natao ho mpanompon'io Andriamanitra io."

²⁶ Hitanareo, tsindrimandry ny Soratra. Tsy ho afaka hahafantatra ny Soratra amin'ny fipetrahana fotsiny mihitsy ianareo ka mamaky Azy avy amin'ny fomba fijery ara-teolojia iray, avy amin'ny fomba fijery ara-pianarana; tsy nety mihitsy izany.

²⁷ Niresaka tamin'ny mpitoriteny Batista iray aho vao tsy ela akory izay, hoy izy hoe, "Raha tsy mbola mianatra an'ilay Grika marina isika, raha mbola isika..."

²⁸ Hoy aho hoe, "Tao amin'ny Fivoriamben'i Nise, talohan'izany, dia niady hevitra mikasika an'ireo teny Grika ao amin'ny Baiboly izy ireo." Tsy ho fantatrareo mihitsy Izany.

²⁹ Ny Baiboly dia tsy maintsy voambara amin'ny alàlan'ny tsindrimandry. Izany ihany ilay zavatra tokana, ny fanambarana. Niteny tamin'i Petera i Jesosy hoe, "Eo ambonin'ity vatolampy ity." Ity vatolampin'ny fanambarana ity no manambara hoe Iza Izy. "Sambatra ianao ry Simona, zanak'i Jonasy, tsy ny nofo aman-drà no nanambara an'izany taminao, fa Ny Raiko izay any An-danitra no nanambara an'izany taminao; eo ambonin'ity vatolampy ity no Hanorenako Ny Fianganako." Tsy eo ambonin'i Petera, tsy eo ambonin'ny Tenany, fa eo ambonin'ny fanambarana ara-panahy ny amin'ny hoe Iza Izy.

³⁰ Ary Izy no Teny! Masindahy Jaona 1, "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina teo

anivontsika.” Hebreo 13:8, “Izy no tsy miova omaly, anio, ary mandrakizay.”

³¹ Noho izany dia miaina ao amin’ny andro izay tsy maintsy ahatongavan’ny fanehoana ny Tenin’Andriamanitra eo amin’ny taona hafa iray nohon’ny taona Pentekotista isika. Ary marina izany. Tsarovy, ianareo dia... Olona iray tsy nianatra aho; saingy tsy afaka mahatohitra ny natiora ianareo, satria miasa ao amin’ny fitohizan’ny natiora Andriamanitra. Mitovy fotsiny, araka ny nolazaiko, amin’ny masoandro izay mipozaka sy milentika; ary mandeha mitety ny andro, sy tahaka ny taontsekoly iray; ary maty amin’ny hariva, mba hitsangana indray amin’ny maraina manaraka. Mamela an’ilay tsiron-kazo hidina ireo hazo amin’ny andro ririnina, midina ao amin’ireo faka, ary miverina indray amin’ny lohataona.

³² Mariho, nampitovy an’Izany tamin’ny voam-bary iray Izy, ilay Ampakarina, ny anton’ny tsy maintsy namelan’Andriamanitra azy handeha tahaka an’izany. Io Fiagonana tsara, misy, tena izy izay naorina tamin’ny Andron’ny Pentekosta io, dia nitombo ary nitombo nanomboka tamin’ny Andron’ny Pentekosta, ho fiagonana malaza iray, tsy maintsy nilatsaka tao anatin’ny tany izy tao amin’io Taona Maizina io ary nalevina tahaka ny ataon’ny voa rehetra. Tsy maintsy maty izy mba ahafahany mivoaka indray ao amin’ilay fanavaozana. Nivoaka tao amin’ny olon’ny fanavaozana iray izy, Martin Luther. Ary avy eo, dia nitovy fotsiny tamin’ny tahombary iray miseho. Ny zavatra voalohany izay miseho, dia misy ravim-bero kely roa, avy eo dia mitohy manampy ravim-bero amboniny izy. Niseho i Martin Luther, ary avy eo i Zwingli, dia nitohy nidina, Calvin, ary araky ny nanohizan’izy ireo.

³³ Farany dia tonga tao amin’ny felana iray. Ankehitriny, izany dia i John Wesley tao amin’ny taona Wesley. Nanana vovom-boninkazo iray nihintsana izy.

³⁴ Avy eo dia tonga ny taonan’ny Pentekotista, tena nifanakaiky, tahaka ny tena voam-bary iray mihitsy raha mijery an’ilay taho ianareo. Fa raha alainareo io vary io ka sokafanareo izy, dia tsy misy voa iray mihitsy ao anatin’, akofa iray fotsiny ao amin’ny *endrika* voa iray izy. Fa mipetraka eo izy ho an’ny tanjona iray, hiaro an’ilay voa mandra-paha... Raha mameley azy tahaka an’izao ny masoandro, dia hamono azy izany.

³⁵ Tsy maintsy mijanona ao izy mandra-pahatongan’ny fotoana iray, ary miala amin’ilay akofa ny Aina rehetra (tahaka ny Nialany tamin’ilay taho, nialany tamin’ilay vovom-boninkazo), miala amin’ilay akofa ka miditra ao anatin’ilay vary, ary maka endrika indray tahaka azy nidina tao anatin’ny tany mihitsy.

³⁶ Ankehitriny, mahafantatra isika rehetra fa isaky ny misy hafatra iray omena, ao anatin’ny telo taona dia manao rafipandaminana anankiray izy ireo. Rehefa manao an’izany izy

ireo, dia izay no mamono an'ilay izy eo no ho eo; nanao an'izany izy tamin'ny andron'i Luther, satria, nanao an'izany izy tamin'ny andron'i Wesley, nanao an'izany izy tamin'ny andron'i Alexander Campbell, sy ny sisa rehetra tamin'izy ireo, ary nanao an'izany izy tamin'ny andron'ny Pentekosta. Marina tokoa! Hitanareo? Tonga eo amin'ny toerana iray ianareo, ny tsirairay avy dia lasa madity, ary lasa, ka tsy afaka mandray fanambarana vaovao izy ireo. Nitoetra teo izy ireo; ary eo no misy azy ireo, ka eo izy ireo no maty. Ary mandalo eo amin'izany mihitsy ilay Aina, dia manohy avy hatrany hanao an'ilay vary. Ary rehefa tonga ilay vary, io Aina izay nandeha nanerana an'io vary io, ny fitsanganana, no mamoaka an'ilay zavatra manontolo; eny, mitondra miakatra ho an'ny Fampakarana.

³⁷ Ankehitriny, tsarovy, izao Hafatra izao dia nanomboka tamin'ny fanasitranana avy amin'Andriamanitra aloha, nanao an'ireo fahagagana. Ankehitriny, raha navelan'Andriamanitra nandeha nandalo tao amin'ny fiangonana tsotra iray izany, tahaka ny efa nananantsika mihitsy, amin'izay fotoana izay dia tsy Andriamanitra izany. Tsy mila manao fampisehoana Andriamanitra; Izy dia tsy—tsy voatery hanao an'ireo zavatra ireo Izy, mba hampifaliana antsika, tahaka ny mahazatra antsika Amerikana (fampifalifaliana), fa manao an'izany Izy mba hitarika ny fifantohan'ny olona, hoe eo am-panaovana zavatra iray Izy.

³⁸ Jereo Izy Tenany rehefa tonga Izy. “Ilay mpaminany kely mahafinaritra, ilay raby, ilay mpaminany avy any Galilia.” Nahoana, nahafinaritra ny Asam-panompoany, tongasoa tao amin'ny fiangonana rehetra Izy.

³⁹ Fa indray andro dia nipetraka Izy, nanao hoe, “Izaho sy Ny Raiko dia Iray.”

⁴⁰ “Oh, oadray!” Tany ivelany izany. “Alaviro ny lehilahy tahaka an'izany!”

⁴¹ “Raha tsy mihinana nynofon’ny Zanak’olona ianareo, sy misotro Ny Ràny, dia tsy manana Fiainana ao anatinareo.”

⁴² “Nahoana, vampira iray izy! Ialao lavitra ny olona tahaka an'izany!” Hitanareo?

⁴³ Hitanareo, tsy maintsy nisy zavatra iray nanaraka an'io famantarana io. Hitanareo, nisy zavatra iray nanaraka.

⁴⁴ Ilay akofa no nihazona azy, saingy miala ilay akofa ankehitriny; tsy maintsy miala izy. Ary tsarovy, roapolo taona izay no lasa fa tsy nisy anaram-piagonana intsony nivoaka avy tamin'izany, ary tsy hisy. Eo amin'ny fiafarahan'ny anaram-piagonana isika izao, maka endrika ny vary. Fa inona ny olana amin'ilay vary ankehitriny, ianareo dia tsy afaka...tsy maintsy mitoetra eo amin'ny Fanatrehan'ilay Zanaka izy, mba ho masaka, alohan'ny hakan'ny milina mpijinja azy.

⁴⁵ Ankehitriny, ireo zava-mitranga izay hitantsika miseho, dia voaseho tanteraka ao amin'ny Baiboly izany, mikasika ny taona rehetra. Mihevitra isika fa any ivelan'ny zava-misy isika rehetra, saingy tsy izany, ny zavatra rehetra dia mihetsika marina tokoa miaraka amin'ny Tenin'Andriamanitra.

⁴⁶ Ankehitriny, ny Baiboly dia boky hafa iray amin'ny boky masina hafa rehetra. Tsy misy boky mitovy amin'ny Baiboly, satria Andriamanitra amin'ny endrika teny ny Baiboly. Hitanareo? Izany dia... Ny teny anankiray dia fisainana iray voaseho. Ny fisainan'Andriamanitra no naneho an'Izany, ireo Teniny tamin'ny alalan'ireo mpaminany; ary izy ireo no nanoratra ny Baiboly, izay ao amin'ny endrika teny. Ary Jesosy dia niantso an'Izany hoe, "Voa iray." Ary hamoaka ny karazany ny voa rehetra raha ao amin'ny toerana tsara izy, ilay hafanana tsara. Ankehitriny, ity Bokin'ny... dia ny... Ity Bokin'ny faminianana ity, Izy—milaza mialoha an'ireo zava-mitranga ho avy Izy. Ankehitriny, ilay Boky no misy ny fanambaran'i Jesosy Kristy manontolo. Tsy manampy ao Aminy ianareo na manaisotra avy ao Aminy, ary tsy maintsy tonga amin'ny Alàlany ny fanambarana rehetra. Hitanareo, tsy maintsy ny Teny ilay izy.

⁴⁷ Noho izany dia hoy ny olona hoe, "Nanana fanambarana iray aho." Eny, fantatsika fa i Joseph Smith sy ny maro dia nanana fanambarana sy ny sisa, saingy nifanohitra tamin'ny Teny.

⁴⁸ Ilay izy dia tsy maintsy tonga araka ny Teny raha avy amin'Andriamanitra, satria izany dia mba hanamarinana na hanaporofoina ny Fanatrehan'Andriamanitra. Ary Izy no nahafantatra mialoha an'ireo zavatra rehetra, satria... Tamin'ny Fahalalany mialoha no Nanendreny, nanendreny mialoha (ao amin'ny Baiboly izany dia antsoina hoe, "voafidy mialoha") ny taona rehetra ho eo amin'ny toerany, sy ny olona rehetra ho eo amin'ny toerany, ary ny iraka rehetra ho eo amin'ny toerany. Andriamanitra Izy, tsy hahavadika na inona na inona Aminy ny devoly. Ary Andriamanitra Izy, dia Izy no nanendry ny zavatra rehetra hiseho, ary milatsaka marina tokoa ao amin'ny laharan'Ny Teniny.

⁴⁹ Noho izany raha afaka mahita isika, amin'ny alalan'Ny Teniny, hoe taona inona sy fotoana inona no iainantsika, dia ho hitanareo ato amin'ny Baiboly eto mihitsy izany, ny amin'ity taona ity, hoe inona no natao ho antsika... inona no natao hiseho amin'ity fotoana ity.

⁵⁰ Ankehitriny, ireo—ireo boky hafa, mahita boky betsaka isika izay antsoin'izy ireo hoe "boky masina," sy ny sisa. Ary izaho efa namaky ny—ny Koran sy ny maro hafa. Fa, hitanareo, ireo—ireo boky masin'izy ireo dia lalàn'ny etika iray fotsiny ihany, an'ny fitondran-tena, na an'ny teolojia.

⁵¹ Fa ity Boky ity dia Mpaminany iray, hafa amin'ny boky hafa rehetra Izy. Ny Baiboly dia ny Tenin'Andriamanitra milaza mialoha ny ho avy. Milaza mialoha Izy satria nampitandremana mialoha Izy.

⁵² Raha mandefa zavatra iray Andriamanitra, dia milaza Izy ary nampanantena ao amin'ny Baiboly fa tsy hanao na inona na inona eto ambonin'ny tany Izy raha tsy Nambarany tamin'ireo Mpaminany mpanompony aloha izany. Izany ny Amosa 3:7. Izy . . . ary tsy afaka mandainga Andriamanitra. Manambara an'Izany Izy, efa izany no Fombany fanaovana azy nanerana ny taona rehetra. Tsy diso tamin'ny fanaovana an'izany mihitsy Izy.

⁵³ Ankehitriny, isika dia nampanantena, amin'ny andro farany, ny hamerenana an'izany. Tsy hisy mihitsy—mihitsy fiangonana, tsy hisy anaram-piangonana, Metodista, Batista, Presbyterana, Pentekotista, izy ireo dia tsy hahatondra mihitsy (ao amin'ireo toerany moderina) an'io fiangonana io ho Ampakarina iray. Tsy vitan'izy ireo izany, tsy mahomby izy ireo. Mifanakenda loatra izy ireo, ka nitsofoka ny maha-izao tontolo izao, sy ny sisa, ary—ary maty avy hatrany tao amin'ny toerany izy ireo. Ary noho izany dia fantatr'Andriamanitra izany.

⁵⁴ Ary ny hanambara an'ity Teny ity, dia hoy ny iray hoe, "Eny, manana an'ity aho. Ary isaorana Andriamanitra, Izany dia tahaka an'izao." Tahaka an'izany mihitsy ilay izy rehefa tonga voalohany Jesosy; nanana foto-pampianarana iray ny tsirairay avy, nanana an'ity ny tsirairay avy. Izany dia tsy maintsy zavatra iray nalefa ho antsika avy tamin'Andriamanitra. Ary Andriamanitra no nampanantena an'izany. Koa ny fomba tokana Hataony, dia—dia mihazona ny Modeliny iray ihany. Izy no nampanantena fa handefa ho antsika, amin'izao andro farany izao, araka ny Malakia 4, mpaminany iray eto ambonin'ny tany, "Izay hamerina ny fon'ny olona indray, ny fon'ny zanaka ho amin'ireo ray apostolika indray." Nampanantena an'izany ao amin'Ny Teniny Izy. Lioka 17 sy toerana maro hafa no Nampanantenainy an'izany, hoe Izy . . . izay Hataony amin'ireo andro farany ireo mba hitondrany an'io zavatra io ho lasa Teny voamarina iray.

⁵⁵ Hitanareo, afaka milaza ny zavatra rehetra ny olona iray, fa raha tsy Andriamanitra no mandika an'ity Teny ity . . . Hitanareo, ankehitriny, manana ny fandikantsika manokana isika, milaza isika fa izao no dikan'Izany. Ary ity anankiray ity, Metodista, dia milaza an'izao, ilay Batista dia milaza an'izao, ilay Pentekotista dia nilaza an'izao, ilay an'ny Tokana dia milaza an'izao, ilay an'ny Roa dia milaza an'izao. Ary, oh, oadray, eo ianareo izao. Fa tsy mila mpandika teny Andriamanitra, Izy No Mpandika teniny Manokana. Izy no mandika Ny Teniny Manokana amin'ny fanamarinana Azy ao amin'ny taona izay natokana ho Azy, ny taona izay nanomezana Azy.

⁵⁶ Tsy miaina ao amin'ny taonan'ny Pentekotista iray isika, miaina ao amin'ny taona hafa anankiray isika. Hitanareo, tsy miaina ao amin'ny taonan'ny Metodista iray isika, miaina ao amin'ny taona hafa anankiray isika. Miaina eto ambony eto isika ao amin'ny taonan'ny Ampakarina, ilay antso hivoaka ho an'ny Fiangonana sy manao Azy hikambana ho an'ny Fampakarana. Izany no taona izay iainantsika ankehitriny. Ho an'ny hevitro mahitsy fo dia izany marina tokoa no Fahamarinana.

⁵⁷ Ary ity Boky ity dia bokin'ny faminaniana iray. Nodidiana hanome voninahitra Azy sy hamaky Azy ireo Mpiony, ary hino ny Mpanoratra Azy, satria tsy maintsy miseho ny Teny rehetra izay voasoratra ao. Tsy maintsy hiseho ny zavatra rehetra izay efa nampanantenaina, satria Izany no Jesosy Kristy ao amin'ny taona tsirairay. Ilay tsy miova omaly, izany no Jesosy Kristy, izay tao amin'i Noa; izany no Jesosy Kristy tao amin'i Mosesy, izany no Jesosy Kristy tao amin'i Davida, izany no Jesosy Kristy tao amin'i Josefa; izany no Jesosy Kristy, ilay tsy miova omaly, anio, ary mandrakizay. Ary izany no Jesosy Kristy eo anivon'ny Olony amin'izao andro izao, manao an'ireo zavatra izay Nampanantenainy fa Hataony ao amin'izao taona izao. Izany no Jesosy Kristy.

⁵⁸ Saingy lasa madity loatra ilay fiangonana, nanalavitra loatra, tahaka ny nolazain'ilay rahalahy teto. Ary—ary lasa tahaka an'izany ireo fiangonantsika, hany ka tsy maintsy manana zavatra iray isika handona antsika hiverina amin'ny Teny. Ahoana no ahafantarantsika fa nanao an'izany ilay izy? Tsy maintsy tonga araka ny drafitr'Andriamanitra Manokana izany. Tsy mety tonga avy amin'ny lehilahy mpivavaka izany, tsy ho tonga avy amin'ny lehilahy mpandraharaaha izany, tsy mety tonga avy amin'ireo fiangonana izany. Efa nametraka ny Drafiny Andriamanitra.

⁵⁹ Niresaka aho teto tany Shreveport indray andro, teo amin'ny fampielezam-peom-pirenena nanerana ny firenena, hoe, *Miezaka Manao Asa Iray Ho An'Andriamanitra Nefy Tsy Sitrapon'Andriamanitra Ilay Izy*. Niezaka ny namerina an'ilay fiaran'Andriamanitra ho ao an-trano i Davida. Mpanjaka voahosotra izy. Nahoana, izy—izy dia nanontany an'ireo—ireo solontenany, ireo mpifehy arivony, sy ireo iray alina, sy ny sisa. Ary izy rehetra dia nanao hoe, "Izany no Tenin'ny Tompo." Koa nanontany ny mpisorona izy ireo, "Mahafinaritra izany." Ary izy rehetra dia tena voatsindrimandry, nihiakiaka izy ireo, nanao ny fihetsika ara-pivavahana rehetra izay nisy. Fa nifanohitra tanteraka tamin'ny sitrapon'Andriamanitra ilay izy, satria nisy mpaminany iray tao amin'ilay tany tamin'ny anarana hoe Natana nefy tsy mba nanontaniana akory mikasika an'izany aza izy. Hitanareo? Ary hitantsika fa tsy nety ilay izy na dia tsopo aza izy ireo, niezaka nanao asa iray ho an'Andriamanitra.

⁶⁰ Ary afaka ny ho tena tso-po mihitsy ianareo; saingy, raha tsy fantatsika izay hataontsika, dia hiady amin'ny rivotra ianareo. Miverena amin'ny Tenin'Andriamanitra dia milahara, ary mandehana avy eo; amin'izay fotoana izay dia mahafantatra ianareo. Tahaka ny—ny miaramila iray, tsy fantany izay hatao raha tsy efa mahazo baiko hanaovana azy izy. Tsy maintsy miaramila Kristiana isika, ary mahazo baiko avy amin'ny Baiboly ho an'ilay ora ankehitriny; tsy ilay andraikirity ny omaly, ilay andraikirity ny afak'omaly, fa ilay andraikirity ny androany (iza no lèlana andehantsika). Tadiavo ilay ora izay iainantsika.

⁶¹ Mandalo haingana loatra eo amintsika ireo zava-mitranga moderina ireo, ka indray andro dia ho hitantsika fa ho tavela any aoriana tsy manana na inona na inona isika, ary ho tratra, ho voaisy tombokase ao amin'ny mariky ny bibidia alohan'ny ahafantarantsika azy.

⁶² Ankehitriny, ary miaraka amin'ny faharetana dia tsy maintsy miandry an'izao isika, satria ireo faminaniana izay nampanantenaina, ny tsirairay avy amin'izy ireo dia tsy maintsy tanteraka ao amin'ny taonany. Satria miteny amintsika mialoha Izany, efa nataon'ilay Mpanoratra izany tany aloha, dia miandry ny hahita Azy hanao an'ilay izy indray isika. Fotoana inona izao iainantsika izao! Zavatra tahaka ny—ny alimanaka iray; mijery ny alimanaka ianareo mba ahitana hoe andro inona amin'ilay taona no iananareo, dia mijery ny Baibolin'Andriamanitra ianareo mba hahita hoe taona inona no iainantsika. Tsy miaina ao amin'ny taonan'ny Metodista isika, taonan'ny Batista. Miaina ao amin'ny taonan'ny Ampakarina isika, ilay antso, mamerina amin'Andriamanitra amin'ny alàlan'ny fantsona iray izay Nampanantenainy hamerenana azy. Izy no nampanantenena fa hanao an'izany.

⁶³ Fa tahaka ny tao amin'ny taona rehetra, dia mamela olona hametraka ny fandikany manokana eo amin'Izany amin'ny alàlan'ny teolojia ny olona, ka tsy hino ny fanamarinana Masin'Andriamanitra an'Izany (izany hoe, ny fandikan'Andriamanitra); tsy izay lazaiko, izay lazain'ny olon-kafa iray; fa izay nampanantenain'Andriamanitra sy izay ataon'Andriamanitra, no manaporofa fa izany no Andriamanitra manao Ny fandikany Manokana Ny Teniny.

⁶⁴ Niteny taminareo Pentekotista izy ireo, dimy amby efapolo, dimampolo taona lasa izay. Ny reminareo sy ny rainareo, fony izy ireo pentekotista tena izy, dia nivoaka avy tao amin'ny rafipandaminana iray ka nanozona an'ilay zavatra ary nivoaka avy tao amin'izany. Avy eo dia tahaka ny alika iray nankeo amin'ny lòany, niverina avy hatrany tao amin'izany indray. Nanao an'ilay zavatra iray ihany izay namono an'io fiangonana io, namono ny anareo manokana tamin'ilay zavatra iray ihany ianareo. Tsy misy na inona na inona hanoherana an'ireo olona ao anatiny, tsy

misy na inona na inona hanoherana an'izany, ilay izy dia ireo rafitr'ilay zavatra no manao an'izany.

⁶⁵ Any an-trano, izaho dia . . . mody any an-trano . . . tsy mitory an'izao ao amin'ny fivorian'olon-kafa aho. Izaho dia hitory *Ny Dian'Ny Menarana*, ary henoy izany raha maka an'ireo horonam-peo ianareo.

⁶⁶ Ary, mariho, diso tamin'ny fahitana ny fanamarinan'ireo faminanian'ny Tenin'Andriamanitra izay tanteraka izy ireo. Raha ireo mpisorona ireo . . . Efa voafaritr'izy ireo tsara marina tokoa ny fomba tsy maintsy hahatongavan'ny Mesia, fantatr'izy ireo izay hiseho. Ireo—ireo Fariseo dia nanana ny heviny, ireo Sadoseo, Herodiana, sy ny rehetra, nanana ny heviny izy ireo. Saingy Izy dia tsy tonga . . . Izy dia tonga nifanohittra tamin'ny tsirairay avy tamin'izy ireo, saingy araka ny Teny marina tokoa. Nilaza Jesosy fa ilay zavatra iray ihany no teo: "Raha nahafantatra Ahy ianareo, dia ho nahafantatra ny Androko. Raha nahafantatra ianareo, ianareo dia ho . . . Hoy ianareo hoe, 'Eny, Mosesy! Manana an'i Mosesy izahay.'" Hoy Izy, "Nahoana, raha nino an'i Mosesy ianareo, dia ho nino Ahy; satria, nanoratra ny Amiko izy."

⁶⁷ Saingy, hitanareo, rehefa nanamarina marina tokoa izay Nampanantenainy Andriamanitra, dia nataon'izy ireo tao amin'ny karazana fombam-pahamboniana iray izay natao hahatongavan'i Jesosy, ary ny . . . ny tiako ho lazaina dia ny Mesia. Tsy maintsy tonga mihitsy eo amin'ireo vondrony ny Mesia fa raha tsy izany dia tsy Mesia izy. Eny, tahaka an'izany ilay izy, saiky, amin'izao andro izao hoe, "Raha tsy mijery amin'ny alàlan'ny solomasoko ianareo, dia tsy mahita mihitsy." Hitanareo, ary izany no—tahaka an'izany mihitsy ilay—ilay izy. Isika . . . Izany no fahamarinana. Halantsika ny mieritreritra an'izany, saingy izany marina tokoa no Fahamarinana.

⁶⁸ Ao amin'ny Hebreo 1:1, Andriamanitra tamin'ny andro samy hafa dia nanoratra ny Baiboly tamin'ny Fombanynofidiany Manokana. Tsy nanoratra an'Izany tamin'ny alàlan'ny teolojiana mihitsy Izy, tsy nandika ihany koa tamin'ny alàlan'ireo teolojiana Izy. Tsy nisy mihitsy fotoana iray izay—izay hany nananan'ireo teolojiana fandikana iray an'ny Tenin'Andriamanitra. Tonga amin'ny mpaminany iray irery ihany ny fandikana. Ary ny fomba tokana izay hany hivoahantsika amin'izao loto izao dia noho Andriamanitra maniraka ho antsika an'io mpaminany io, marina tokoa, ny fomba tokana hahavita an'izany. Efa ninoana ilay izy, nandrasana, ary—ary fahatanterehana.

⁶⁹ Hitanareo, tsy nosoratan'olona Izany, fa nosoratan'Andriamanitra Izany. Tsy bokin'olona Izany, tsy bokin'ny teolojiana iray Izany. Bokin'Andriamanitra Izany, izay Bokin'ny faminaniana nosoratan'ireo mpaminany ary

nadikan'ireo mpaminany. Hoy ny Baiboly hoe, "Ny Tenin'ny Tompo dia tonga amin'ireo mpaminany." Marina tokoa!

⁷⁰ Tsara tarehy toy ny ahoana no nanaovana sary an'izany, na, nanehoana rehefa tonga teto an-tany Jesosy, ary Jaona no mpaminanin'izany andro izany, ary izy—naminany izy. Hoy izy ireo hoe, "Oh, ny tianao ho lazaina ve dia hoe hamotipotika an'ireo fikambananay goavana eto sy ireo zavatra rehetra ireo Andriamanitra? Fa hisy fotoana iray, izay ny—tsy hivavahana intsony ao amin'ireo tempolinay?"

⁷¹ Hoy izy hoe, "Hisy fotoana anankiray izay hanaovan'Andriamanitra fanatitra iray avy amin'ny Zanak'ondrin'Andriamanitra, Lehilahy iray." Ary nilaza izy fa—fa izy no hahafantatra Azy rehefa tonga Izzy. Ary nilaza izy... Tena nanana antoka ny amin'ny hafany izy, hoy izy hoe, "Mitsangana mihitsy eo anivonareo Izzy ankehitriny nefasy fantatrareo izany." Eo anivonareo mihitsy Izzy nefy tsy fantatrareo izany.

⁷² Ary indray andro rehefa nandroso Jesosy, niandrandra i Jaona ka nahita an'io famantarana io teo Amboniny, hoy izy hoe, "Indro, ny Zanak'ondrin'Andriamanitra izay manaisotra ny fahotan'izao tontolo izao." Tamin'io minitra io ihany dia fantatr'i Jesosy tamin'izay fa voamarina teo anatrehan'ny olona Izzy. Ankehitriny, Izzy no Teny, hisalasala ny amin'izany ve isika? Ny Baiboly no nilaza fa Izzy no Teny, "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika." Ary indro Izzy, ilay... Indro eto an-tany ny Teny (jereo! tanteraka tokoa!) tonga mihitsy teo amin'ilay mpaminany tao anaty rano.

⁷³ Marina izany, tonga amin'ny Mpaminaniny foana ny Teny. Noho izany dia tsy afaka manantena Azy ho tonga amin'ireo teolojiana isika. Tsy afaka manantena Azy ho tonga amin'ireo anaram-piagonana isika. Tsy maintsy tonga amin'ny lâlan'ny fantson'Andriamanitra izay Nolazainy tamintsika mialoha Izany, ary izany no fomba tokana izay hany Hahatongavany. Ho hankahalaina Izany, hamavoina, ho lavina. Rehefa tena tonga Izany, dia hatsipy etsy amin'ny ilany iray Izzy, sy ny sisa, saingy hataon'Andriamanitra izany na ahoana na ahoana. Nolavina izany tao amin'i Jesosy Kristy, nolavina izany tao amin'i Jaona, nolavina izany tamin'i Jeremia, nolavina izany tamin'i Mosesy. Izany foana ilay izy. Saingy Andriamanitra kosa dia manohy hatrany amin'ny fomba izay Nampanantenainy fa Hanaovany azy. Eny, tompoko, tsy diso mihitsy tamin'ny fanaovana azy tamin'ilay fomba iray ihany Izzy.

⁷⁴ Ilay lehilahy izay nahita ny fahitana na nandre ny Feony, dia tsy nahazo an'Izany manontolo. Tamin'ny fisehon-javatra maro dia tsy nahafantatra izy, satria fitaovan'Andriamanitra

iray fotsiny izy. Izany no fisainan'Andriamanitra voaseho amin'ny alàlan'ny molotr'olona; ny fisainana iray, mazava ho azy, dia teny iray voaseho. Manao Ny fifidianany Manokana Andriamanitra amin'ny alàlan'Ny—Ny fifidianany voafidy mialoha. Nanao an'izany Izy tao amin'ny taona rehetra, Izy no nametraka an'ilay olona ho an'ny taona tsirairay. Tahaka an'i Mosesy rehefa, rehefa tsy maintsy nanatanteraka an'izay Noteneniny tamin'i Abrahama izy. Mosesy dia teraka ho zaza sahaza, tsy nahavita na inona na inona ny amin'izany izy. Toy izany no nahaterahany satria teraka ho an'izany tanjona izany izy.

⁷⁵ Ary hitantsika noho izany fa Andriamanitra no manao an'izany ao amin'ny taona rehetra. Andriamanitra no manao Ny fifidianany Manokana amin'ny alàlan'Ny fifidianany Manokana voafidy mialoha, mifidy an'ireo Mpaminaniny sy ny sisa ho an'ilay taona; mamaritra—mamaritra ny natiory, ny natiory'lay olona, ny fomba fitorian'ilay olona amin'ny...eo amin'ireo fanomezam-pahasoavany sy izay rehetra ataony, dia matrika ny fihaikan'io andro io. Andriamanitra no mamorona an'io olona io sy maniraka azy. Ary ao amin'ny Sainy Manokana, araka ny notoriako omaly hariva, dia tsimoka iray avy amin'ny tsirin'ain'Andriamanitra isika. Fantany fa ho eo io olona io amin'io taona io, talohan'ny nisian'ny molekiola anankiray akory aza, na hazavana iray, na zavatra hafa tetu an-tany.

⁷⁶ Fa tsirin'aina iray an'ny rainareo ianareo, ary tao amin'ny rainareo, kanefa tsy nanana fiombonana taminareo ny rainareo satria izy...Tao anatiny tao ianareo, saingy tsy fantatrareo izany ary tsy fantany, saingy voaseho ianareo mba hahatonga anareo...mba hahatonga azy hiombona aminareo. Ary satria nateraka indray ianareo, dia nateraky ny Fiainana Mandrakizay. Ary izany ihany no endrika tokana an'ny Fiainana Mandrakizay, ary izany dia ny Fiainan'Andriamanitra. *Zoe*, ny teny Grika dia “*Zoe*,” endrika tokana an'ny Fiainana Mandrakizay.

⁷⁷ Noho izany raha zanakalahin'Andriamanitra iray ianareo na zanakavavin'Andriamanitra iray, dia efa tao amin'Andriamanitra hatramin'izay. Saingy Fantany hoe tany fambolena sy fotoana inona no hambolena anareo. Noho izany ankehitriny dia natao ho olombelona iray ianareo, zanakalahin'Andriamanitra iray, voaseho ho zanakalahy na zanakavavin'Andriamanitra mba matrika ny fihaikan'ity ora ity hanamarina an'ilay Andriamanitra marina sy velona an'ity ora ity, ny Hafatra izay mivoaka ao amin'ity fotoana ity. Marina izany! Efa vita tany ianareo talohan'ny fanorenana an'izao tontolo izao. Raha tsy izany ilay izy...Raha tsy tahaka an'izany no nifidianana anareo, tsy mampaninona na impiry no hiezahanareo haka tahaka an'Izany, dia tsy ho vitanareo mihitsy izany. Ahoana no ahafahanareo hahazo rà avy amin'ny nave iray nefä tsy misy rà ao anatiny ao?

⁷⁸ Izany no antony iezahako milaza mikasika an'ireo olona izay mihevitra fa isika dia . . . isika dia mivazavaza an'ireo vehivavy mikasika ny volo fohy, ary miteny amiko ny olona mikasika ny filazana an'ireo zavatra ireo hoe, "Hanimba ny asam-panompoanao ianao." Handrava ny asam-panompoana iray izay notendren'Andriamanitra Izy tenany ve? Ho lavitra anie izany! Ary rehefa mandre ny Tenin'Andriamanitra ny olona . . . Rehefa mitsaika ao an-kibon'ny reny iray ny zazakely, rehefa mandeha ao io sela iray io, dia miorina eo ambonin'io ireo sela hafa. Tsy selan'olombelona iray izany, ka ny manaraka dia an'ny alika iray, ary ny manaraka dia an'ny saka iray, ary ny manaraka dia an'ny zavatra hafa iray; izany dia tena, tanteraka, olombelona. Ary rehefa nateraky ny Fanahin'Andriamanitra ny olona anankiray, dia tsy manatsofoka na inona na inona ao amin'ny ainy izy, Izany no Tenin'Andriamanitra tsy mifangaro voamarina ho an'io ora io. Mandray ny Tenin'Andriamanitra feno izy, tsy mametraka fanekem-pinoana, tsy misy na inona na inona hafa ao anatin'Izany. Izany no Tenin'Andriamanitra madio tsy mifangaro, tonga voaseho eo anivontsika.

⁷⁹ Jereo ao amin'ny Baiboly, hitanareo hoe aiza, taona inona no iainantsika amin'izay fotoana izay, rehefa mahita an'ireo zavatra lehibe izay tonga voaseho ianareo. Rehefa Andriamanitra no nampanantena hanao azy, dia Ataony foana izany amin'ny faran'ny taona tsirairay rehefa tonga eo amin'ilay toeram-pihodinana ny fiangonana, ary mihodina amin'ny Teny ka miverina amin'ny fahotana sy ny maha-izao tontolo izao. Fahotana ny maha-izao tontolo izao. Hoy ny Baiboly hoe, "Raha tia an'izao tontolo izao ianareo na ireo zavatr'izao tontolo izao, dia tsy ao aminareo akory aza ny fitiavana an'Andriamanitra."

⁸⁰ Niresaka omaly hariva, niresaka aho mikasika ny—ny fanatitra izay natolotra, ilay Zanak'ondry. Tsy maintsy nisy fito andro, maneho an'ireo taom-piangonana fito. Tsy maintsy tsy nisy masirasira teo anivon'ny olona, tsy nisy masirasira nandritry ny fito andro. Midika izany fa tsy nisy na inona na inona nifangaro tamin'Izany, tsy nisy masirasira Izany, tsy ankitsahatra. Ary tsy mila fanekem-pinoana isika, ireo masirasira sy ny sisa hifangaro amintsika. Tsy mila an'izao tontolo izao mifangaro amintsika isika. Izany dia tsy maintsy ho Mofon'Andriamanitra tsy misy masirasira, ny Tenin'Andriamanitra, ny Tenin'Andriamanitra tsy mifangaro, izay hoe, "Ny olona dia hivelona amin'ny Teny rehetra izay aloaky ny vavan'Andriamanitra."

⁸¹ Ireo rafitry ny anaram-piangonantsika, sy ireo fahasamihafana sy ny sisa, no nametraka ny masirasira tao anatintsika, ary *ity* sy *itsy* sy izao tontolo izao ary ny lamaody. Ary, oh, lasa tahaka an'izany ilay izy ka saiky Hollywood na aiza na aiza. Farany izany dia ho tonga tahaka ny any Angletera, ho lasa henatra ny antso eny amin'ny alitara. Oadray! Araka ny

nolazain'ny rahalahy hoe, "Ahoana no ahafahanareo hitondra ny trondro ao anatin'ny lakana?" Marina izany.

⁸² Tsy maintsy manana ny Filazantsara voatory amin'ny Fahafenoany isika, miaraka amin'ny herin'Andriamanitra hanamarina an'izany araka ny teny fikasan'izao taona izao ary manaporofa fa izany marina tokoa no sitrapon'Andriamanitra. Ankoatr'Izany dia mpikambam-pianganana iray fotsiny ianareo, tsy mampaninona na impiry no iezahanareo, iezahanareo hanao asa iray ho an'Andriamanitra. Mety mandeha any amin'ny fetin'ny didin'akanjo sy zaitra ianareo, mety ho tena mahatoky amin'ny fianganana; saingy raha tsy efa voatendry mialoha ao anatinareo io tsimoky ny Fiainana Mandrakizay io, mba ho zanakalahy na zanakavavin'Andriamanitra, dia hitombo ho zavatra iray simba endrika ianareo; fa tsy ho tena izy mihitsy, ho zanakalahy na zanakavavin'Andriamanitra marina.

⁸³ Mazàna aho dia manome an'ilay tantara keliko ny amin'ny voromahery kely iray. Ahoana no nampikotrehan'ilay mpiompy ny akohovavy indray mandeha, ary izy dia nanana... Manantena aho fa tsy ho toy ny fanimbazimbanana izao ho anareo. Fa nampikotrika akohovavy anankiray ny mpiompy iray, ary izy dia...nisy atody iray tsy ampy teo am-panaovana an'ilay fampikotrehana. Misalasala aho fa misy olona eto mahafantatra hoe inona ny fampikotrehana atody, firy no ilaina amin'izany. Fa, na ahoana na ahoana, dia tsy ampy atody iray izy, mba hananana ampy. Noho izany dia norobainy ny akanim-boromahery, nanana atody roa izy. Ary napetrany tao ambanin'ilay akohovavy ilay atody.

⁸⁴ Rehefa foy teo anivon'ireo akoho rehetra ireo io voromahery io, dia vorona hafahafa iray izy. Tsy nety azony ilay fikohokohon'ilay akohovavy, tsy niresaka tahaka ny...toy ny hoe tiany ny mandre azy miresaka. Ary nangadingady tao amin'ilay tranom-borona izy, ka nihinana avy tao amin'ilay tranom-borona, tsy sakafo ho azy izany. Izy no ganagana ratsy tarehy teo anivon'izy ireo. Nikohokoho ilay akohovavy fa tsy azony izany. Nandeha teto izy ary nihinana an'ity sy nihinana an'itsy, tsy azony izany. Noho izany indray andro ny mamany, na ny reniny, raha ny marina, ho anareo. Izaho...Any Atsimo dia hoy izahay hoe "Mama."

⁸⁵ Noho izany, na ahoana na ahoana, izy...ny—ny—ny reniny dia nahafantatra fa nanana atody roa izy, nefà ny anankiray tamin'izy ireo ihany no teo, nandeha nitady an'ilay iray hafa izy. Nihodinkodina izy eran'ny...nitety ny firenena, ary farany dia nanidina teo ambonin'ilay tranom-borona izy. Hitany teo ambany teo izy nanaraka an'io akohovavy antitra io. Nihorakoraka izy hoe, "Junior! Tsy akoho iray ianao, voromahery iray ianao!" Toa tena marina mihitsy izany ho azy. Nahoana? Voromahery anankiray izy hatrany am-boalohany.

⁸⁶ Ary rehefa ny lehilahy iray na vehivavy iray no nипetraka teo ambanin'ireo fanekem-pinoana sy fivavahana mangatsiaka, ara-pototra, raha voatendry ho zanakalahin'Andriamanitra izy, ka hitany ny Tenin'Andriamanitra voatory ao amin'ny Heriny, ary manamarina an'Izany Andriamanitra; voromahery iray izy hatrany am-boalohany, dia hihazakazaka ho any amin'Izany izy azo antoka tahaka ny roa ampiana roa dia efatra. Tsy mahavita na inona na inona amin'izany izy, satria ny tena natiорany dia tia ny Tenin'Andriamanitra. Tsy ahoako izay lazain'ny olon-kafa, rehefa mahita ny Tenin'Andriamanitra tonga voaseho izy, dia manidina mankany amin'Izany satria voromahery kely iray izy.

⁸⁷ Tahaka ny anohizan'izy ireo milaza, hoy izy hoe, "Mama, ahoana no hiakarako avy eto?"

⁸⁸ Dia hoy Izy hoe, "Manao fitsambikinana iray fotsiny, handray anao Aho."

⁸⁹ Izany ihany no zavatra tokana hataonareo, dia ny manao fitsambikinana iray amin'ny tongotrareo, fitsambikinana iray mankany amin'Andriamanitra, teny fikasana iray hoe, "Tompo Jesosy, mino Anao amin'ny foko rehetra aho. Mino ny Hafatry ny ora aho. Mahita an'Izany voamarina aho, ary fantatro fa marina Izany." Mitsambikina amin'ny tongotrareo, handray anareo i Mama. Aza manahy, voromahery iray ianareo, ho eo mihitsy izy handray anareo.

⁹⁰ Ankehitriny, fantatsika fa miaina ao amin'ny fotoana goavana be iray isika ary fotoana lehibe iray, saingy rehefa ireo fahamarinan'ity Baiboly ity, mahita an'izany voamarina ireo mpino, ilay tena fahamarinan'Izany no porofo fa ao Anatiny Andriamanitra. Izany mihitsy! Amin'izay fotoana izay ilay Teny nampanantenaina, izay nampanantenain'Andriamanitra, dia nampahafantarina. Nipotsaka nivoaka ilay voa, ary hitan'izy ireo Izany ary nino an'Izany izy ireo. Ireo hafa dia tsy afaka nahita an'Izany fotsiny, na manao ahoana na manao ahoana dia hipetraka izy ireo ary hijery an'Izany.

⁹¹ Fantatrareo, efa imbetsaka aho no nitory mafy tamin'ny—tamin'ny . . . nanerana an'ity firenena ity, hoe tokony tsy hisy vehivavy iray mitapa-bolo eto amin'ny firenena. Saingy, isan'andro, rehefa miverina aho, dia misy betsaka. Inona ilay olana? Misy zavatra tsy mety ao! Fantatrareo fa ny Teny no milaza an'izany! Hoy ianareo hoe, "Eny, tsy misy fahasamihafana mihitsy izany." Misy fahasamihafana iray izany!

⁹² Nisy rahalahy mahafinaritra iray, nanao hoe, "Hametra-tàhana eo aminao aho, Rahalahy Branham. Tiako ianao. Hanimba ny asam-panompoanao ianao." Hoy izy, "Tsy raharahanao ny miteny amin'ireo vehivavy ireo mikasika an'izany." Hoy izy, "Avelao ireo pasitera no hanao an'izany."

⁹³ Hoy aho hoe, “Tsy hanao an’izany izy ireo na izany aza.” Hoy aho hoe, “Ankehitriny . . .”

⁹⁴ Hoy izy hoe, “Eny, tsy raharahanao izany, mivavaha fotsiny ianao ho an’ny marary.”

⁹⁵ Hoy aho hoe, “Raharahan’iza ilay izy, raha izany? Nantsoina hitory ny Filazantsara aho.”

⁹⁶ Hoy izy, “Hametra-tànana eo aminao aho ary hangataka amin’Andriamanitra mba hanaisotra an’izany hiala aminao.”

⁹⁷ Hoy aho hoe, “Ianao dia hamela—hamela ahy hametra-tànana eo aminao, ihany koa.” Hitanareo? Ary hoy aho hoe, “Hivavaka aho mba hanokafan’Andriamanitra ny masonao dia ho hitanao Izany.” Noho izany, marina izany!

⁹⁸ Hoy izy hoe, “Tokony hitory ianao . . . Ny olona dia mino anao ho mpanompo iray, mpaminanin’Andriamanitra iray.” Hoy izy hoe, “Tokony hampianatra an’ireny vehivavy ireny ianao hoe ahoana no—no hahazoana an’ireo fanomezam-pahasoavana lehibe ary haminany sy ny sisa.”

⁹⁹ Hoy aho hoe, “Ahoana no ahafahako mampianatra azy ireny ny alzebra nefá tsy hino akory ny ABD-ny aza izy ireo, aloha?” Hitanareo? Marina izany. Noho izany dia tsy vitanareo izany. Izany fotsiny dia ao amin’ny rehetra . . . Marina izany. Raha tsy afaka manao an’ireo zavatra tsotra ianareo, dia ahoana no hanaovanareo an’ireo zavatra ara-panahy? Ireo zavatra araboajanahary. Izany tokoa! Rahalahy, ranabavy, mety ho toy ny vazivazy iray izany, saingy Izany no Filazantsara! Izany no Fahamarinan’ny Filazantsara. Marina izany!

¹⁰⁰ Mariho, hitantsika amin’izao andro izao fa ny olona . . . Misy olona maro izay tsy afaka mino fotsiny an’Izany, na dia ireo olona feno ny Fanahy aza. Hanome anankiray ho anareo aho izay hanaitra anareo. Ny batisan’ny Fanahy Masina dia tsy midika fa hiditra ianareo, tsia tokoa, tsy eo amin’izany, tsy misy idiran’izany amin’ny fanahinareo. Ny batisa izany, hitanareo. Eto ilay fanahy ao anatin, *eto* anatin *eto*, izay tsy maintsy avy amin’Andriamanitra. Fa amin’izay fotoana izay eo amin’ilay ivelany dia manana taovam-panamboloana dimy ianareo, ary dimy mivoaka . . . fidirana ao amin’ny . . . fifandraisana amin’ny fonenanareo eto an-tany. Ilay anatin, dia manana fanahy iray ianareo, ary ao anatin ao dia manana fidirana dimy ianareo: ny fieritreretanareo, sy fitiavana, sy ny sisa, fidirana dimy ho ao amin’io fanahy io. Tsarovy, ao amin’io fanahy io dia afaka ny ho vita batisa amin’ilay Fanahin’Andriamanitra tena izy ianareo nefá mbola very foana. Ilay izy dia ilay aina izay velona, izay voatendrin’Andriamanitra.

¹⁰¹ Tsy nilaza ve Jesosy hoe, “Maro no hanatona Ahy amin’izany andro izany, ka hanao hoe, ‘Tompo, tsy efa nandroaka devoly ve aho, nanao asa lehibe, mahery, naminany, ireo fanomezam-pahasoavana lehibe avy tamin’Andriamanitra?’” Hoy Izy hoe,

“Mialà Amiko, ianareo mpanao meloka, tsy nahafantatra anareo akory aza Aho. Maro no hanatona amin’izany andro izany.”

¹⁰² Tsy naminany ve i Kaifa? Devoly iray izy. Hitantsika teo . . . Ary ireo mpisorona ireo, ireo lehilahy malaza, dia natao ho mpitarika malaza tamin’ireo andro ireo, niaraka tamin’ny fanetre-tena sy ny zavatra hafa, saingy diso tamin’ny fahitana ny Tenin’Andriamanitra Izzy tenany tonga voaseho teo anatrehan’izy ireo.

¹⁰³ Afaka haka andiany iray amin’izy ireo mihitsy isika izay noraisiko naoty eto. Ahoana ny amin’i Balama? Izzy dia . . . Hoy ianareo hoe, “Manova ny Heviny Andriamanitra.” Tsy manova ny Heviny Izzy!

¹⁰⁴ Rehefa nandeha i Balama amin’ny maha-mpaminany iray, ka tonga teo, eveka iray, mpitory teny, na inona no tianareo iantsoana azy, lehilahy malaza iray izy. Saingy rehefa nanontany an’Andriamanitra izy mikasika ny handehanana any ka hanozona ny Israely; tsy tiany izy ireo hatrany ampiandohana. Noho izany rehefa nangataka ny handeha izy, hoy Andriamanitra hoe, “Aza mandeha!”

¹⁰⁵ Avy eo dia naniraka manan-kaja anankiray izy ireo, andiany iray, ny sasany tamin’ireo eveka angamba na presbytera, na zavatra iray, tany, nilaza, niaraka tamin’ny fahaizana betsaka, mba handresy lahatra azy. Niverina izy ary nanontany an’Andriamanitra indray. Tsy mila manontany an’Andriamanitra fanindroany ianareo! Rehefa nilaza an’ilay izy voalohany Andriamanitra, dia izay no Izzy! Tsy mila miandry na inona na inona ianareo.

¹⁰⁶ Tsy niandry ny hahazo an’ilay baiko faharoa i Rebeka. Nanontany azy izy ireo, nanao hoe, “Handeha ve ianao?”

¹⁰⁷ “Aoka izy no hiteny.”

¹⁰⁸ Hoy izy hoe, “Handeha aho!” Voatsindrimandrin’Andriamanitra mafy izy. Lasà iray amin’ireo mpanjakavavy ao amin’ny Baiboly izy nohon’ny fihetsehana teo ambonin’ny fitempotempon’ny Fanahin’Andriamanitra izay nihetsika teo amboniny mba handray izay tena fahamarinana tanteraka, ary nino an’izany izy.

¹⁰⁹ Ankehitriny dia hitantsika, i Balama, mazava ho azy, tsy afaka nahita izy. Nandeha izy ary njery teo amin’ny vahoaka, nanao hoe, “Ankehitriny, andraso iray minitry! Izahay dia vahoaka malaza, goavana eto, ianareo dia andiany iray miyahaka fotsiny.” Hitanareo? “Ary isika rehetra—mino an’ilay Andriamanitra iray ihany isika rehetra.”

¹¹⁰ Marina izany. Nino an’ilay Andriamanitra iray ihany izy ireo. Nanompo an’i Jehovah izy rehetra. Jereo ny fanatitry’i Balama: alitara fito, isan’Andriamanitra tanteraka; ireo fiangonana fito, hitanareo; ondrilahy fito, miresaka ny amin’ny

fihavian'ny Tompo. Ara-pototra, dia tena ara-pototra mihitsy tahaka an'i Mosesy izy; saingy, hitanareo, tsy nisy fanamarinana avy tamin'Andriamanitra teo. Teo, dia samy mpaminany izy roa.

¹¹¹ Fa teo ambanin'ny asam-panompoan'i Mosesy, dia nisy Andry Afo ivelan'ny voajanahary iray, Hazavana iray izay nihantona teo amin'ilay toby. Nisy fanasitranana avy tamin'Andriamanitra teo, nisy fikiakian'ny Mpanjaka tao anatin'ilay toby, ireo famantarana lehibe, fanasitranana avy tamin'Andriamanitra, ary fahagagana sy ireo zavatra izay natao teo anivon'izy ireo. Izany no famantarana iray an'Andriamanitra velona iray teo anivon'ny Olony.

¹¹² Ara-pototra, dia samy marina izy roa. Ary niezaka nandresy lahatra ny vahoaka i Balama, ka namosavy azy ireo tao anatin'izany. Oviana? Talohan'ny nahatongavan'izy ireo teo amin'ilay Tany Nampanantenaina mihitsy. Andro hafa iray na roa sisa, dia ho tafiditra tao amin'ilay Tany Nampanantenaina izy ireo.

¹¹³ Fa ankehitriny dia matahotra aho...Fanamarihana sarotra iray hatao ity, indray andro any dia ho voatifitra aho ny amin'Izany. Saingy tsarovy izao, fa, namosavian'io Fiombonambe Ekiomenika io ireo fiangonana, mitondra anareo hiditra ao anatin'izany mihitsy izy, mba hilaza hoe "Ilay vondrona iray ihany ianareo." Tsy ilay vondrona iray ihany ianareo! Mivoaha avy ao amin'io karazan-javatra io ary misaraha! Tena izany tokoa, marina Izany. Tsy maintsy miala lavitra an'io karazan-javatra io isika, lavitra an'izany arak'izay vitanareo.

¹¹⁴ Hoy i Balama hoe, "Isika dia...ndao isika hamela ny zanatsika hifanambady satria, na izany aza, dia mino an'ilay Andriamanitra iray ihany isika."

¹¹⁵ "Ahoana no ahafahan'ny roa miara-mandeha raha tsy mifanaraka izy ireo?" Ahoana no ahafahanareo mandeha miaraka amin'Andriamanitra raha tsy mifanaraka amin'Ny Teniny ianareo? Ahoana no ahafahanareo manampy fanekempinoana sy ny sisa amin'Izany, nefo notendrena tsy hanao an'izany ianareo, na, nodidiana tsy hanao an'izany? Tsy afaka manao an'izany ianareo. Tsy misy fomba anaovana an'izany, rahalahy, ranabavy. Tsy afaka manafangaro an'io masirasira io amin'ny tsy misy masirasira ianareo. Tsy hifangaro ny menaka sy ny rano. Tsy hifangaro ny aizina sy ny hazavana. Tena mahery ny hazavana, handroaka ny aizina fotsiny izy.

¹¹⁶ Ary noho izany dia tsy afaka manafangaro an'izany miaraka isika. Tsy afaka manafangaro ny fahotana sy izao tontolo izao koa ianareo. Tsy afaka manafangaro ny Fiangonana sy ny anaram-piangonana hiaraka ianareo. Tsy afaka manafangaro ny Fiangonana sy ny faneke-pinoana hiaraka ianareo. Tsy afaka manafangaro an'izao tontolo izao sy ny Filazantsara

hiaraka ianareo. Tsy hifangaro izany! “Mivoaha avy ao amin’izy ireo ianareo, misaraha ianareo,” hoy Andriamanitra, “handray anareo ho an’ny Tenako Aho. Ianareo ho Zanakalahiko sy zanakavaviko, Izaho ho Andriamanitra aminareo.” Tsy afaka hanao an’izany mihitsy isika raha tsy voaseho ireo zavatra ireo, ka ny Tenin’Andriamanitra ho an’ny ora dia voaporofa ho ny Fahamarinana. Araho ireo dian-tongotra.

¹¹⁷ Pentekosta, izany no antony nahaverezan’i Luther ny hafany. Toy izany no nahaverezan’i Wesley ny hafany. Hitanareo, raha nanohy ilay fiangonana Wesleyana, dia ho lasa Pentekotista izy ireo. Raha nanohy ireo Loterana, dia ho lasa Metodista izy ireo. Hitanareo? Ankehitriny raha manohy ireo Pentekotista, dia ho lasa Ampakarina izany. Raha mihantona any aoriana ianareo ka manohy mandeha miverina any amin’izao tontolo izao tahaka ny andehananareo ankehitriny, dia ho very ianareo! Tsy hisy afatsy ny akofa irery ihany, sy ny taho no tsy maintsy hodorana. Fantatsika izany. Hanangona ny Variny ao an-tsompitry Izy. Fa ireo akofa kosa dia Hodorany amin’ny afo tsy mety maty, na dia mpitondra iray aza izany. Nitondra Azy tokoa izy. Saingy nandao azy ilay Aina vantany vao lasa ravina iray izy, nivoaka izany mba hanao zavatra hafa iray mandra-pahatongany ao amin’ny tsanganany feno.

¹¹⁸ Ary toy izany koa no handalovan’ilay Fiangonana amin’ny Fanamarinana, Fanamasinana, Batisan’ny Fanahy Masina (famerenana an’ireo fanomezam-pahasooavana), manohy avy hatrany ao amin’ny endrik’i Kristy voavoatra. Kristy no Mpampakatra, ny Fiangonana no Ampakarina, ary ny Ampakarina dia ampanhan’ny Mpampakatra. Tsy maintsy ho Fiangonana Teny iray Izy, fa tsy fiangonana araanaram-piangonana. Ho Fiangonana Teny Izy, ny Teny izay nampahafantarina, ary amin’ny alàlan’ny Tenin’Andriamanitra voamarina.

¹¹⁹ Balama, tsy afaka nahita an’ilay fahasamihafana izy. Maro no tsy afaka.

¹²⁰ Tsy afaka nahita an’Izany i Farao, na dia voamarina tanteraka teo anatrehany aza Izany.

¹²¹ Tsy afaka nahita an’Izany i Datana. Tonga teo i Datana, ary nahita an’i Mosesy izy ka nahafantatra. Nandeha teo izy, nanao hoe, “Miezaka ianao ny hihevitra fa ianao irery ihany no ao amin’ilay andiany. Masina ny fiangonana manontolo!” Tsy nifanaraka tahaka an’izany mihitsy Andriamanitra. Tokony ho nahafantatra tsaratsara kokoa noho izany izy. Ary hoy izy hoe, “Eny, masina ny fiangonana manontolo. Ianao dia miezaka hanao ny tenanao . . .” Raha ho lazaintsika amin’izao andro izao ilay izy, ilay fiteny eny an-dàlambe hoe, “Ilay vato kilonjy tokana eo amin’ny tora-pasika.”

¹²² Ary fantatr'i Mosesy fa Andriamanitra no naniraka azy nankany ho an'izany. Hoy fotsiny izy hoe, “Tompo...” nianjera teo amin'ilay—ilay fidirana teo amin’ny tabernakely.

¹²³ Ary hoy Andriamanitra hoe, “Saraho aminy ny tenanao.” Dia nitelina azy ireo Izy.

¹²⁴ Ary tsarovy, ilay fahotana izay nataon’ny Isiraely (tamin’ny alalan’i Balama nanao hoe, “Iray ihany izy rehetra.”), tsy navela tamin’ny Isiraely mihitsy io fahotana io. Ary jereo, mamele ahy hanome anareo sary mandôna iray; tamin’ireo roa tapitrisa izay niala tany Egypta, dia roa tamin’izy ireo no nuditra tao amin'ilay Tany Nampanantena. Nihinana an'ilay zavatra iray ihany ny tsirairay avy tamin’izy ireo, nandihy tao amin’ny Fanahy izy rehetra, nanana ny zavatra rehetra niraisana izy rehetra; saingy rehefa tonga teo amin'ilay fotoana nisarahana ilay izy, dia ny Teny no nanao an'ilay fampisarahana. Toy izany koa amin’izao andro izao! Ny Teny no nanao an'ilay fampisarahana! Rehefa tonga ny fotoana, hoy izy hoe, “Nahoana, indro, isika dia...”

¹²⁵ Tena mifanakaiky, jereo, hoy ny Baiboly hoe, “Amin’ny andro farany ireo fanahy roa,” Matio 24:24, “dia tena hifanakaiky, hamitaka an'ilay tena Voafidy izany raha azo natao.” Tena mitovy amin'ilay vary marina mihitsy io akofa io, saingy tsy vary izy. Hitanareo? Tsy vary izy, fa tena mitovy aminy marina mihitsy. Hitanareo? Tena mifanakaiky, hamitaka an'ilay tena Voafidy izy. Nanao anaram-piagonana ianareo ka lavo tao anatin’io anaram-piagonana io, ary maina dia maty, fa ny vary dia manohy mandroso avy hatrany amin’ny alàlan’ny... Hitanareo? Tena marina tokoa izany! Mpitondra iray izy, fa tsy vary.

¹²⁶ Tsarovy, manohy mandeha fotsiny ny vary. Amin’ny fitsanganana dia hiakatra avy hatrany ao amin'ilay vary io hery rehetra an’ny vary io, araka ny handehanany hanao an'ilay loha, mba hivoaka amin'ilay fitsanganana lehibe.

Tsy navela mihitsy!

¹²⁷ Ndao isika hijanona eto vetivety fotsiny. Manantena aho fa tsy manakenda anareo. Fa, jereo, mamele ahy hanontany zavatra aminareo. Ndao alaintsika fotsiny io. Atao hoe, ohatra, marina io isa io. Rehefa tonga ilay tsirin’aina avy amin’ny lahy sy ny vavy, raha efa mba mahafantatra an’ireo fantsona fanaovana fanandramana ianareo na—na ny fampiarahana sy ny sisa an’ny biby fiompy, dia hahita fa ilay famoahana avy amin’ny lahy dia hamoaka eo amin’ny tsimoka iray tapitrisa eo. Ary ilay famoahana avy amin’ny vavy dia hamoaka atody iray tapitrisa. Saingy efa fantatrareo ve fa ny anankiray amin’izy ireo ihany no lonaka? Ireo zanak’omby kely, na inona izy ireo na inona, ao anatin’ireo tsimoka an-tapitrisany ireo, tsimoka iray tapitrisa, dia ho tsimoka kely anankiray ihany no hiasa amin’ny tenany eo anivon’ny sisa amin’ireo tsimoka ireo ka handeha eo ambony

sy hahita an'io atody lonaka io ary handady hiditra ao aminy, fa ny sisa amin'izy ireo dia maty. Anankiray amin'izy ireo no voatendry ho amin'ny fiainana, ireo hafa dia tsy voatendry, na dia mitovy aza izy rehetra. Iray amin'ny iray tapitrisa!

¹²⁸ Ahoana moa raha tahaka an'izany izao hariva izao? Misy dimanjato tapitrisa, natao ho izany, heveriko, ireo Kristiana eto amin'izao tontolo izao, saiky izany sary izany, sary iray ankapobeny fotsiny. Raha tonga izao hariva izao àry ny fampakarana, amin'ny velona izay handeha, dia hisy olona dimanjato fotsiny. Eny, misy maro tahaka an'izany no tsy hita amin'ny andro rehetra, saiky, izay mety tsy ho hitan'izy ireo. Halaina ny Ampakarina ka hanontany isika hoe ahoana ny amin'izany rehetra izany; ary hanohy hitory teny foana ny olona, hilaza fa izy ireo dia "nahazo an'ity, sy itsy, ary ny hafa," dia jereo hoe ho famitahana iray toy ny inona izany. Atao hoe raha izany no ho izy; tsy milaza aho hoe izany no izy, tsy mahafantatra aho, tsy izaho no manapaka an'izany. Andriamanitra no Mpitsara an'izany. Fa jereo hoe ho mora toy ny ahoana no mety hitrangan'izany, ao amin'ny sary rehetra sy ny sisa, ahoana no mety haha-voaporofa an'izany.

¹²⁹ Nahoana no tsy nahita an'Izany i Kora? Nahoana no tsy nahita an'Izany i Datana?

¹³⁰ Nahoana no tsy nahita an'Izany i Ahaba? Rehefa i Ahaba . . . Rehefa tonga teo amin'i Ahaba i Josafata, hoy izy hoe, "Ahaba, ao anatin'ny olana isika. Fantatrao ve fa Andriamanitra no nanome antsika an'io tany io, Josoa no nizara azy? Fantatrao ve io ampahan-tany eto izay nalain'ireo Syriana io, tsy tanintsika ve io?"

"Eny!"

¹³¹ "Noana ny zanatsika, nefo ireo Syriana (ny fahavalontsika) no mamoky an'ireo zanany, mameño ny kibony amin'ny vary izay tokony ho an'ireo antsika." Marina ara-tsoratra izany. Hoy izy, "Hanampy ahy handeha any ve ianao ka haka an'io?"

¹³² Ankehitriny, indraindray ny olona tsara iray dia hiaiky eo ambanin'ny fitaoman'ny ratsy. Tsaratsara kokoa ny mitandrina, ry fiangonana, mitandrema tsara mihitys.

¹³³ Ankehitriny, ny zavatra voalohany fantatrareo, Josafata, satria lehilahy iray mpivavaka malaza, hoy izy hoe, "Eny, tokony hiakatra isika, azo antoka, ho an'ny fiangonantsika, vahoaka iray ihany isika rehetra." Saingy tsy vahoaka iray ihany izy ireo! Tsia! Hoy izy hoe, "Eny, ny fiangonanay dia fiangonanareo, ny vahoakanay dia vahoakanareo. Azo antoka, handeha isika," hoy izy, "saingy ndao isika hanontany ny Tompo aloha."

¹³⁴ Noho izany dia hoy izy hoe, O Ahaba, "Tsy isalasalana, tokony ho nieritreritra an'izany izahay. Eny, izahay dia . . ."

¹³⁵ "Misy mpaminanin'ny Tompo iray ve ao?"

¹³⁶ Hoy izy, “Manana seminera iray feno azy ireny aho. Manana efajato aho eto, ireo hany tsara indrindra izay misy. Izy rehetra dia manana ny Ph.D., L.L.D., ny L.D.-ny roa, sy ny zavatra rehetra miaraka amin’izany. Izy rehetra dia iray...” Ankehitriny tsarovy, mpaminany *Hebreo* izy ireo, avy amin’ny sekolin’ireo mpaminany.

¹³⁷ Hoy izy, “Ento miakatra izy ireo, ndao isika hihaino azy.”

¹³⁸ Ankehitriny, mino aho fa i Zedekia ilay izy (ilay loha lehibe ambonin’ny eveka, izy rehetra ireo) no niakatra teo, ary nanana ny tsindrimandry izy. Nanana tsindrimandry izy, tanteraka tokoa. Niakatra teo izy, ary nanao tandroka vy goavana roa ho an’ny tenany. Hoy izy hoe, “Fantatrao, HOY NY TOMPO HOE, ‘Haka an’ireo tandroka ireo ianao ka handroaka an’ireo Syriana hivoaka avy hatrany hiala amin’ny firenenena.”

¹³⁹ Eny, ny sisa tamin’izy ireo dia naminany hoe, “Tena marina tokoa izany!” Ny tsirairay avy tamin’izy ireo, ilay seminera manontolo, tao amin’ny fifanarahana. Hitanareo?

¹⁴⁰ Hoy i Ahaba hoe, “Hitanao?”

¹⁴¹ Josafata, izay ara-panahy kely, fantatrareo, tsy maina tanteraka izy, hoy izy hoe, “Fa tsy misy iray hafa fotsiny ve any ho any, izay azontsika anontaniana?”

¹⁴² “Inona no itiavanao hanontany ny hafa, nefà ilay Ekiomenika manontolo (ilay fiombonambe manontolo), izy no milaza hoe ‘Mety tsara izany?’” (Miala tsiny aho, hitanareo.) “Ilay zavatra manontolo no nanao hoe, ‘Izany no tokony ataontsika.’” Hitanareo? “Izany no tokony hataontsika.”

¹⁴³ Hoy izy hoe, “Saingy tsy misy iray hafa fotsiny ve any ho any?” Ilay mahatsikaiky iray, fantatrareo.

¹⁴⁴ Hoy izy hoe, “Eny, misy. Misy anankiray, Mikaia ilay zanak’i Jimla, saingy halako izy.” Tahaka izany foana isan’andro. “Halako izy satria mivazavaza ny olonay foana, ary manozona ahy, sy miteny amiko ny ratsy rehetra mikasika ahy. Halako ilay lehilahy!”

¹⁴⁵ Hoy izy, “Ah, aoka ny mpanjaka tsy hiteny an’izany.” Hoy izy, “Mandehana alaivo izy.”

¹⁴⁶ Noho izany dia nandeha nankany amin’ilay zanak’i Jimla izy ireo, ny sasany tamin’ireo—ireo eveka, na, ny sasany tamin’ireo loholona, ary nandeha nankany, nanao hoe, “Ankehitriny, henoy, tianao ve ny hiverina ao amin’ilay rafi-pandaminana indray? Lazao ilay zavatra iray ihany izay lazain’izy ireo, dia hamerina anao izy ireo.”

¹⁴⁷ Saingy sendra nanana lehilahy iray Andriamanitra izay tsy nahafahan’izy ireo nametraka ny tânany teo aminy; Andriamanitra no nanana ny Tánany teo aminy. Taratry ny Fahamarinan’Andriamanitra fotsiny izy. Hoy izy, “Azo antoka,” hoy izy, “handeha ho any aho, saingy hilaza fotsiny

ihany an'izay ataon'Andriamanitra ato am-bavako." Izany no lehilahin'Andriamanitra. Hoy izy hoe, "Omeo ahy ny anio alina." Noho izany tonga ny alina, ary ny Tompo niresaka tamin'ilay mpaminany, tsinontsinona kely. Ary ny zavatra voalohany fantatrareo, dia nivoaka izy ny ampitso maraina.

Hoy izy, "Ahoana ny amin'izany, ry Jimla?"

¹⁴⁸ Hoy izy hoe, "Miakara," hoy izy, "saingy nahita ny Isiraely nihahaka tahaka ny ondry teny ambonin'ny havoana iray aho, tsy nisy mpiandry."

¹⁴⁹ Hoy izy hoe, "Inona no noteneniko taminao! Inona no noteneniko taminao mikasika an'izany!" Dia hoy izy hoe . . .

¹⁵⁰ Tamin'izay fotoana izay dia nandroso ilay eveka ka namelaka azy teo amin'ny vava, nanao hoe, "Làlana aiza no nalehan'ny Fanahin'Andriamanitra? Satria fantatro fa nanana ny Fanahy aho; nandihy tao amin'Izany, nanao an'ireo zavatra rehetra ireo aho. Hitanao, izaho—nanana ny Fanahy teo amiko aho. Làlana aiza no Nalehany?"

¹⁵¹ Ankehitriny, hitanareo, Jimla amin'ny mahazanak'Andriamanitra iray, na tena mpaminanin'Andriamanitra iray nandinika an'ilay fahitany niaraka tamin'ny Teny izy. Raha tsy niaraka tamin'ny Teny izany, dia diso. Hitanareo? Ny Teny ho an'io ora io, hitanareo. Ankehitriny, nilaza ara-tsoratra izy, azy ireo ilay tany, azy ilay tany. Ara-tsoratra, dia toy ny hoe marina ny zavatra rehetra afa-tsy zavatra anankiray.

¹⁵² Tsarovy, Teny anankiray no nahatonga ny loto manontolo ho avy, tsy nino Tenin'Andriamanitra anankiray i Eva; ao amin'ny voalohan'ny Baiboly, dia Teny anankiray no nahatonga ny olana. Jesosy, tonga teo afovoan'ny Baiboly, dia nanao hoe, "Ny olona dia hivelona amin'ny Teny rehetra izay aloaky ny vavan'Andriamanitra." Ao amin'ny faran'ny Baiboly, dia voalaza hoe, "Na iza na iza hanaisotra Teny anankiray na hanampy teny anankiray amin'Izany."

¹⁵³ Tsy ampahan'ny Filazantsara ilay izy . . . Nanana ampahany ireo Metodista, ireo Batista, Presbyterana, sy ny sisa, nanana ampahan'Izany izy ireo, nanana ampahan'Izany ny Katolika, Vavolombelon'i Jehovah, ny sisa rehetra tamin'izy ireo.

¹⁵⁴ Fa ilay Teny manontolo Izany, ny Teny rehetra, ny Tenin'ilay ora; no isaina. Ary tsy hahavita an'izany mihitsy isika raha tsy Andriamanitra no manosotra mpaminany iray izay afaka mijoro ka miteny an'Izany, sy manamarina Azy, ary manaporofo Azy fa marina Izany. Handalo eo amin'ny olona avy hatrany Izany, fa tsy ho fantatr'izy ireo mihitsy Izany, tahaka azy hatramin'izay foana.

¹⁵⁵ Ianareo Katolika, tahaka an'i Jeanne d'Arc, nodoranareo teo amin'ny tsato-kazo izy satria hoe mpamosavy iray; taty aoriania dia nangadianareo ny vatan'ireo pretra ireo, roanjato taona taty

aoriana, ary natsipinareo tao anatin'ny renirano izy ireo. Tsy nahafantatra an'i Masindahy Patrick sy ny sisa amin'izy ireo ianareo.

¹⁵⁶ Handalo eo amin'ny tånanareo avy hatrany indray izany, ny zavatra voalohany fantatrareo. Hanao an'izany Andriamanitra, nefà tsy ho fantatrareo mihitsy akory aza fa efa vita izany. Hitanareo, mandalo avy hatrany Izy ary maka Ny Ampakariny ary mitondra Azy miakatra avy hatrany, sy maka Azy antsokosoko, avy eo afovoan'ny olona mihitsy.

¹⁵⁷ Hitantsika, nilaza ity Mikaia kely ity fa nandinika izy, fantany fa Andriamanitra no nilaza, tamin'ny alàlan'ny tena mpaminany iray talohany. Ilay mpaminany talohany, inona no nolazainy? Izao no nolazainy, hoy izy hoe, "Ry Ahaba, satria nandraraka ny marina ianao, na ny ràn'i Nabota marina, dia ireo alika no hilelaka ny rànao ihany koa, sy Jezebela." Ary izany marina mihitsy, no tsy maintsy niseho satria Andriamanitra no efa nilaza an'izany. Ahoana no nahafahan'io mpaminany io naminany tsara nefà ilay izy dia ratsy nanohitra an'izany?

¹⁵⁸ Ahoana no ahafahako hiteny an'ireo zavatra tsara amin'ity Taonan'ny Fiagonana Laodikiana ity nefà Andriamanitra no niteny zavatra manohitra an'izany? Ianao dia mitanjaka, mahantara! Hoy ianao hoe, "Manan-karena aho, manana tsaratsara kokoa aho...manana an'ireo fiagonana tahaka ny Metodista aho, sy ireo Batista, ary ireo Presbyterana. Izaho manana an'ity, izaho manana an'itsy; ny tsara indrindra amin'ity, itsy, ary ny hafa." Marina izany, saingy tsy fantatralo fa ianao dia mitanjaka, jamba, mahantara, eo amin'ilay tena zavatra izay asehon'Andriamanitra. Handalo aminareo avy hatrany izany, tahaka an'izao, lasa avy hatrany. Hitanareo? Minoa, ry olona, alohan'ny haha-tara loatra an'ilay izy.

¹⁵⁹ Ankehitriny, hitantsika fa namelaka azy teo amin'ny vava izy, ka nanao hoe, "Làlana aiza ny Fanahin'Andriamanitra no . . .?"

¹⁶⁰ Hoy i Mikaia hoe, "Nahita an'Andriamanitra nipetraka teo ambonin'ny Seza fiandrianana aho. Ary ny rehetra . . . Izy dia niantso an'ireo solontenan'ny Lanitra, nanao hoe, 'Iza no azontsika halefa hidina ka hamitaka an'i Ahaba?'" Hoy izy, "Ary tonga ny fanahy mandainga iray ka niankohoka teo anatrehan'Andriamanitra; mpandainga iray." Ary tsarovy, niditra tao anatin'ireo mpaminany ireo io fanahy mandainga io, tokony ho nahafantatra izy ireo tamin'izay fotoana izay fa ilay fanahy teo amin'izy ireo dia tsy araka ny Teny. Saingy tena nafana fo loatra izy ireo satria mpaminanin'ny mpanjaka, satria nanana ny zavatra tsara rehetra izy ireo.

¹⁶¹ Ary izany no nataon'ny fiagonana amin'izao andro izao. Niala lavitra an'ilay fahatsapana tamin'ny fanao fahiny izay nanananareo taona maro lasa fony ianareo nitsangana teny

an-joron-dàlambe ka nitory ny Filazantsara. Nivoaka avy tao amin'ireo rafi-pandaminana ireo ka niantso ny tenanareo hoe "vahoaka afaka iray!" Tsia! satria tratra ao anatin'izany indray ianareo, tahaka ny kisoavavy iray mankeo amin'ny fotany na alika iray mankeo amin'ny lôany. Raha nampandoa azy izany tamin'ny voalohany, dia hampandoa azy indray izany. Marina izany! Nandò anareo avy tamin'ny Vavany Andriamanitra, hoy Izzy hoe, "Matimaty ianareo, sady tsy mangatsiaka na mafana"; manana fivoriana vitsivitsy, avy eo dia mitendry vitsivitsy, mozika, ary—ary mihira kely, nefà, ilay izy dia tena . . . saiky lasa fahafaham-baraka ho an'ny Kristianisma ilay izy.

¹⁶² Niantso ahy tany ny zanakolahy indray andro mba hijery televiziona, natao hahatongavan'ny olona hihira. Nitsangana teo io andiana Ricky kely io, nihodinkodina tahaka an'io rock-and-roll io, nefà nihira an'ireo hira fiderana, fahafaham-baraka iray izany ho an'i Jesosy Kristy! Tsy misy fanajana intsony mihitsy ao amin'ny fiangonana. Ilay izy dia toy ny hoe lasa zavatra rock-and-roll iray ny rehetra, sy fampisehoana lamaody, raha tokony ho ny Fianganan'Andriamanitra velona izay ahafahan'i Jesosy Kristy maneho ny Tenany amin'ny hery. Ilay izy amiko dia toy ny hoe, misy zavatra tsy mety any ho any. Mitambotsotra izy ireo. Ary ny Baiboly no nilaza fa ho toy izany ilay izy. Hitanareo? Jereo hoe aiza no misy anareo. Mitandrema tsara, mifohaza alohan'ny haha-tara loatra an'ilay izy.

¹⁶³ Hitantsika ankehitriny, hoy Izzy hoe, "Iza no azontsika alefa hidina ka hamitaka an'i Ahaba, hitondra azy hiakatra any mba hahatanteraka ny tenin'io mpaminany io?" Hitanareo, raha nilaza Teny iray ny mpaminany, ny lanitra sy ny tany ho levona fa Izany tsy mety ho diso. Tsy maintsy miseho Izany. Koa izany ilay izy, tsy maintsy niseho izany.

¹⁶⁴ Hoy izy hoe, "Ataovy ao an-tranomaizina io lehilahy io, fahano amin'ny mofom-pahoriana sy ranom-pahoriana izy. Rehefa miverina soa aman-tsara aho, dia izaho no hiandraikitra ny aminy."

¹⁶⁵ Nijoro tsara teo i Mikaia, nahafantatra fa nanana ny Fanahin'Andriamanitra izy. Ny faminianany, ireo fahitany dia marina. Marina ny Hafany, satria Izany no HOY NY TOMPO HOE avy amin'ireo fahitana, HOY NY TOMPO HOE avy amin'ny Teny. Izany dia tsy maintsy marina, izany no HOY NY TOMPO HOE. Hoy izy hoe, "Raha miverina tokoa ianao, dia tsy niteny tamiko mihitsy Andriamanitra." Ary fantatrareo izay nitranga, azo antoka. Hitanareo, ianareo . . .

¹⁶⁶ Fantaro, ry rahalahy. Henoy.

¹⁶⁷ Azo antoka, Kaiafa, tsy afaka nahita an'Izany izy. Nahoana izy no tsy njery . . . ? Izzy dia—eveka iray izy, izy no papan'ireo fiangonana rehetra niaraka. Nahoana io lehilahy io no tsy afaka nahita an'i Jesosy nitsangana teo? Nahoana izy no tsy

afaka nahazo? Rehefa nihira ny Salamo faha-23 izy ireo, ny Salamo faha-22, raha ny marina, tao amin'ny fiangonana, sy, "Andriamanitro, Andriamanitro, nahoana no nahafoy Ahy Ianao?" ary teo Izy nihantona teo amin'ny hazo fijaliana. Ireo tena Soratra mihitsy, ilay tena Andriamanitra mihitsy izay nivavahan'izy ireo, dia izy ireo no nanameloka Azy sy namono Azy satria "fanatika iray." Io ilay izy.

¹⁶⁸ Handôna anareo izao raha hilaza aminareo aho fa saiky miverina mihitsy indray izany. Ny Baiboly no nilaza fa tany ivelany Izy niezaka ny nandondôna mba hiditra, nefâ tsy nisy olona namela Azy hiditra, "Izay Tiako no Faiziko sy anariko, handevilevy azy Aho, hanozongozona azy Aho, saingy satria Tiako izy. Vohay ka avelao Aho hiditra." Hia. Tsy afaka... "Tsarovy, tsy te-hiditra ao amin'ny fiangonana Aho; ilay izy dia izy, ilay isam-batan'olona." Tsy afaka niditra tao amin'ny fiangonana Izy, izay nanidy Azy tany ivelany. Ny hany... noho izany, ny hany rafi-pandaminana avy tamin'izy rehetra ireo, dia ity taom-piangonana ity, izay nisy Azy tany ivelan'ny fiangonana. Navoaka! Noroahina! Nolavina! Satria... Izy dia voaseho vonjimaika fotsiny ihany tao amin'ireo fiangonana hafa, tao amin'ny endriky ny fanamarinana, sy ny sisa; fa eto, ilay taona izay tonga ankehitriny, dia ny fanehoana feno an'ny fanamarinana ny amin'i Jesosy Kristy tsy miova omaly, anio, ary mandrakizay. Oh, hanaiky aho fa manana mpaka tahaka be dia be isika, saingy diniho ilay voalohany, ilay tany am-piandohana.

¹⁶⁹ Nandeha tany niaraka tamin'ireo didin'Andriamanitra i Mosesy, mba hanafaka ny Israely; ary rehefa nandeha izy, dia nanao fahagagana sasantsasany. Nanaraka azy ireo mpaka tahaka. Raha izy ireo no voalohany, dia izy no ho mpaka tahaka. Hitareo, izy no nanana ny Tenin'ny Tompo, ary ny Tompo no nanamarina; nipetraka tsara fotsiny izy.

¹⁷⁰ Ary, fantatrareo ve, fa io zavatra iray io ihany no nampanantenaina amin'ny andro farany? "Tahaka ny nanoheran'i Jambra sy Jana an'i Mosesy, dia ho toy izany koa ireo olona maloto saina mikasika ny Fahamarinana." Ary rehefa ny rafi-pandaminana iray no mihazona ny... mitondra olona anankiray avy hatrany manerana an'io rafi-pandaminana io, dia izany no maneho fa tsy avy tamin'Andriamanitra ilay izy; satria, manao an'ireo zavatra ireo Andriamanitra mba hisintona ny sain'ny olona, ary avy eo dia manaraka an'izany ny Hafatra. Raha tsy izany ilay izy, amin'izay fotoana izay dia tsy Andriamanitra izany. Tsy Andriamanitra izany! Manao an'izany foana Andriamanitra.

¹⁷¹ Tsy afaka nahazo an'Izany i Jodasy. Nandeha niaraka Taminy mihitsy izy, fa tsy nahita an'Izany.

¹⁷² Fa ilay tena izy, voatendrin'Andriamanitra, ilay tena tsirin'aina, ilay tena tsimoka, ain'Andriamanitra izay tao

amin'Andriamanitra talohan'ny fanorenana an'izao tontolo izao; tsarovy, ianareo izay manana marina tokoa ny Fanahin'Andriamanitra ao anatinareo izao hariva izao, dia teto ianareo tao amin'i Kristy satria Izzy no fahafenoan'ny Teny. Izzy no fahafenoan'ny Maha-Andriamanitra ara-batana. Andriamanitra dia tao amin'i Kristy, nampihavana an'izao tontolo izao tamin'ny Tenany. Mino an'izany ve ianareo? Jereo, tao amin'i Kristy Izzy. Noho izany raha tao amin'Andriamanitra ianareo, tsirin'aina iray, teny iray, toetra iray hatrany amin'ny fiandohana, amin'izay fotoana izay dia nandeha niaraka Taminy ianareo teto an-tany, niresaka Taminy ianareo teto an-tany, niaritra niaraka Taminy ianareo teto an-tany, maty niaraka Taminy ianareo teo Kalvary, ary nitsangana niaraka Taminy indray; ary ankehitriny ianareo dia mipetraka ao amin'ny toeran-danitra ao amin'i Kristy Jesosy, miombona miaraka Aminy (ny Teny) raha mamahana ao anatin'ny fanahinareeo Izany, hoe, "Ny olona dia hivelona amin'ny Teny rehetra izay miloaka."

¹⁷³ Tsy ilay tenin'ny Metodista, ilay tenin'ny Batista; tsarovy, raha nisy anankiray tavela avy tamin'ilay fanatitra, dia tsy maintsy nodorana izany alohan'ny ampitso, satria rahampitso dia taom-piangonana hafa iray. Marina ve izany? Fifindrana, marina Izany. Mari-pamantarana iray, tandindon'ilay Fanatitra.

¹⁷⁴ Ilay Varavarana. Hoy Izzy, "Hanao toerana iray Aho. Aza... . Tsy hanompo Ahy any amin'ny varavarana rehetra izay Nomeko anareo ianareo; fa misy Varavarana iray, ary ao amin'io Varavarana io no Hametrahako Ny Anarako." Ary eo amin'izay ametrahan'ny Tompo Ny Anaran, dia izany no toerana izay handraisan'Andriamanitra ny fanatitrareo. Efa nanao ny karazana varavarana rehetra isika, saingy nanao Varavarana iray Andriamanitra. Nanao Varavarana iray Andriamanitra, ary io Varavarana io dia... . Masindahy Jaona ny toko faha-10, hoy Jesosy hoe, "Izaho io Varavarana io."

¹⁷⁵ Nametraka Ny Anaran tao amin'i Jesosy Andriamanitra. Mino an'izany ve ianareo? Izzy no Zanak'Andriamanitra. Tonga amin'ny anaran'ny rainy ny zanaka rehetra. Hoy Izzy hoe, "Tonga tamin'ny Anaran'Ny Raiko Aho, fa ianareo tsy nandray Ahy." Tonga tamin'ny anaran'ny raiko aho, ianareo tonga tamin'ny anaran'ny rainareo. Tonga tamin'ny Anaran'Ny Rainy Jesosy, noho izany ny Anaran'Ny Rainy dia Jesosy; marina tokoa, satria tonga tamin'ny Anaran'Ny Rainy Izzy.

¹⁷⁶ "Fa ianareo tsy nandray Ahy. Ho tonga ny hafa iray, dia ho raisinareo izy." Handray ny anaram-piangonanareeo ianareo ary handeha hiaraka amin'izy ireny. Mandehana fotsiny, hoy ny Baiboly hoe, "Natsangana hanantanteraka an'io toerana io izy ireo. Jamba, mitanjaka, nefo tsy fantatrao izany." Ny fiangonana, ny fivavahana, oh, tena mpivavaka,

mitovy amin'i Kaina mihitsy; manao fanatitra iray, manao ny zavatra rehetra tahaka ny nataon'i Abela mihitsy. Fa tamin'ny alàlan'ny fanambarana no nanambarana taminy hoe inona ilay sakramenta, tsy voankazo avy amin'ny saha na zavatra izay ataonareo amin'ny tènanareo.

¹⁷⁷ Afaka mahita ny Teny tonga nofo ny mpino; ireo hafa dia tsy afaka manao an'izany.

¹⁷⁸ Ireo Isiraelita rehetra, rehefa avy nahita an'i Mosesy nanao an'io izy ireo ka nitondra azy ireo avy hatrany teo amin'ilay fiombonambe malaza, teo amin'izay tsy maintsy nanaovana azy, ny tsirairay avy tamin'izy ireo dia nanao hoe, "Handeha hiaraka amin'i Balama izahay, satria mihevitra izahay fa marina ny an'ny Dr. Balama. Izy no manan-tsaina kokoa, izy no nianatra betsaka, ny zavatra rehetra, noho izany dia haka an'izany fotsiny izahay."

¹⁷⁹ Ary tsy navelan'Andriamanitra mihitsy izy ireo, Nopotehiny avy hatrany tany an-efitra izy ireo. Ary Jesosy no nilaza, Izy tenany hoe, "Tsy ho tonga mihitsy izy ireo, tsy nisy voavonjy ny iray tamin'izy ireo." Jesosy no nilaza . . .

¹⁸⁰ Hoy izy ireo hoe, "Ny razanay nihinana ny mana tany an-efitra nandrity ny efapolo taona."

¹⁸¹ Hoy Izy hoe, "Maty ny tsirairay avy tamin'izy ireo, nisaraka Mandrakizay tamin'Andriamanitra. Maty ny tsirairay avy tamin'izy ireo." Izany tokoa! Satria nihaino fahadisoana iray izy ireo. Rehefa i Mosesy, ilay nohamarinin'Andriamanitra, sy mpitarika iray mba haneho tamin'izy ireo ny lèlana mankany amin'ilay tany nampanantenaina, ary tonga tsara hatreto mihitsy izy ireo, saingy avy eo dia tsy nanohy niaraka taminy.

¹⁸² Ankehitriny, ireo mpino no afaka mahita an'Izany, fa ireo tsy mpino dia tsy afaka mahita an'Izany voamarina.

¹⁸³ Jereo hoe mpivavaka toy ny ahoana i Kaiafa. Jereo hoe mpivavaka toy ny ahoana ireo mpisorona rehetra ireo. Nefà nitodika Jesosy, nanao hoe, "Ianareo dia avy amin'ny rainareo ny devoly, ary ireo asany no hataonareo."

¹⁸⁴ Fa nisy mpino vitsivitsy nipetraka teo. Mihevitra ve ianareo fa afaka nahazo ireo mpianatra ireo rehefa nilaza Jesosy hoe, "Izaho sy Ny Raiko dia iray"? Tsy afaka nanazava an'Izany izy ireo. Rehefa hoy Izy hoe, "Raha tsy mihinana nynofon'ny Zanak'olona ianareo, misotro Ny Ràny, dia tsy manana Fiainana ianareo." Afaka nanazava an'Izany ve izy ireo? Tsia. Saingy nino an'Izany izy ireo, satria nahita an'Andriamanitra voamarina sy tonga nofo.

¹⁸⁵ Hoy Jesosy hoe, "Raha tsy manao an'ireo asan'Ny Raiko Aho, amin'izay fotoana izay dia aza mino Ahy. Fa raha manao an'ireo asan'Ny Raiko Aho, ny Teny izay nolazaina mialoha fa Hataoko, amin'izay fotoana izay ianareo . . . Raha tsy mety

mino Ahy ianareo, dia minoa an'ireo asa izay Ataoko, mba hahatonga anareo ho voavonjy." Hitanareo? Hoy Jesosy hoe, "Ny Ondriko mahalala Ny Feoko. Mahalala Ny Teniko izy ireo, mahita an'Izany izy ireo rehefa voamarina ho an'io taona io Izany."

¹⁸⁶ "Eny, nahalala ny Teny koa i Kaiafa!" Saingy tsy ny Teny ho an'io taona io. Nanana ny teny izay nasisik'ireo Fariseo tao aminy izy, fa tsy ilay Teny voamarina an'ilay ora.

¹⁸⁷ "Mahalala Ny Feoko izy ireo, mahalala ny Famantarako izy ireo, mahalala ny Fahagagako izy ireo." Ahoana ankehitriny, ho...

¹⁸⁸ Oh, ndao isika hiverina amin'ny lahatenintsika, satria hamela betsaka amin'ity Soratra ity isika raha tsy miverina, satria tsy maintsy hamarana aho ao anatin'ny minitra vitsy manaraka na ahoana na ahoana, satria efa ho amin'ny folo izao afaka minitra vitsy. Tiako Izy.

¹⁸⁹ Ry sakaiza, ianareo olona izay nandeha teo amin'io lalantsara io ka nametraka an'io rakitra io tao vao teo; ireo olona izay mamahana an'ireo zanako, manisy akanjo eo amin'ireo lamosiny; ireo olona izay nametraka ny volanareeo (izay nikaramanareo mafy) tao amin'ny lovian-drakitra iray, fantatrareo ve hoe aiza no alehan'izany? Manampy mitondra ahy any ampitan-dranomasina izany mankany amin'ireo mpanompo sampy izay tsy mbola nandre na inona na inona mikasika an'Andriamanitra mihitsy. Izany no anaovako azy, ny iraimbilanja tsirairay, Andriamanitra no Mpitsarako. Eto ny sasany amin'ny... ilay lehilahy izay mipetraka eto mihitsy ankehitriny izay ao amin'ny—ao amin'ny fitantanam-bolan'ny fiangonako. Mandray zato dolara isan-kerinandro aho, dia izay ihany; ny sisa amin'izany dia hanohanana an'ireo favoriana any am-pitan-dranomasina izay tsy ahafahan'izy ireo ho tonga.

¹⁹⁰ Tsy handray ahy ireo fiangonana. Tsy mila ahy izy ireo. Tsia. Marina izany! Milaza ahy izy ireo ankehitriny hoe: "Izy dia . . ." Hoy izy ireo hoe, "Izy dia 'Jesosy Irery,' na izy dia zavatra tahaka an'izany, na mpitana finoana iray, fanaticika, sy ny rehetra tahaka an'izany, ny—Jezebela iray." Ary izaho—miandry an'izany aho, izy ireo dia niantso ny Tompoko hoe, "Jezebela," ary izy ireo dia niantso Azy . . . tsy Jezebela iray, fa "Belzeboba." Izy ireo dia niantso Azy tamin'ireo anaran-dratsy rehetra ireo. "Raha ny Tompon'ny trano aza no nantsoin'izy ireo hoe, 'Belzeboba,' tsy mihoatra noho izany ve no hiantsoany an'ireo Mpianany?" Noho izany dia tsy manao fahasamihafana mihitsy izany.

¹⁹¹ Ary ianareo mihitsy aza, nohon'ny fanampian'Andriamanitra, mihevitra ve ianareo fa mitsangana eto aho, mpihatsaravelatsihy goavana iray, ka hiteny zavatra aminareo . . . ? Sa, tsy milahatra tsara amin'ilay zavatra aho raha noheveriko fa avy tamin'Andriamanitra izany?

¹⁹² Fa raha tiako ianareo ary fantatro ny Fahamarinana... Efa mba nandre ahy nilaza zavatra iray tamin'ny Anaran'ny Tompo ve ianareo ka tsy niseho? Tsia. Manontany ny olona rehetra aho. Misy zavatra an'arivony no efa voalaza, niseho avokoa izy rehetra. Tsaroanareo ve ilay fotoana izay niantsoana an'i Samoela, mino aho fa izay ilay izy, ary nilaza izy...? Te-hanao ny tenany ho tahaka ny sisa amin'ny firenena i Isirael. Ho tonga eo amin'izany ianareo Pentekotista. Te-hihetsika tahaka ny sisa amin'ny olona ianareo. Tsy karazan'ireny olona ireny ianareo. Mialà lavitra an'izany. Ireo fiangonana goavana sy ireo zavatra tsara goavana, O rahalahy, aza manao an'izany. Isika dia mitory fa antomotra ny fihavian'ny Tompo, ndao isika hidina any amin'ny saha any ka hampilaza amin'ireo mpanompo sampy. Hitanareo, hanao zavatra mikasika an'izany.

¹⁹³ Fa, hitanareo, hoy Samoela hoe, “Efa mba naka avy taminareo tamin’ny volanareo indray mandeha ve aho ho an’ny fivelomako?”

¹⁹⁴ Hoy izy ireo, “Tsia, ry Samoela, tsy nanao an'izany mihitsy ianao.”

¹⁹⁵ Hoy izy, “Efa mba niteny zavatra taminareo tamin’ny Anaran’ny Tompo ve aho ka tsy niseho?”

¹⁹⁶ “Oh, marina izany, ry Samoela. Mino izahay fa mpaminany iray nirahina avy tamin'Andriamanitra ianao. Eny, tompoke. Ny zavatra rehetra izay nolazainao dia niseho, ry Samoela. Saingy mila an'ilay izy izahay na ahoana na ahoana.” Hitanareo izay nitranga. O rahalahy, manohy mamerina ny Tenany mandroso sy miverina fotsiny ny Soratra amin'ny alalan'ny Soratra, satria izany no fomba fanaovan'Andriamanitra azy, hitanareo. Hitanareo, midona amin'ireo karazam-potoana ireo ianareo.

¹⁹⁷ Ndao isika handray ny lahatenintsika haingana mihitsy. Ankehitriny, teo amin'io fotoana rehetra io aho, nefá tsy mbola tonga akory amin'ny lahateniko aza.

¹⁹⁸ Ao am-poko izany! Tiako ianareo! Aza levona miaraka amin'izao tontolo izao! Raha avy amin'izao tontolo izao ianareo, dia ho levona miaraka amin'izao tontolo izao. Raha avy amin'Andriamanitra ianareo, dia handeha hiaraka Aminy amin'ny fitsanganana. Noho izany dia ovay ny natioranareo izao hariva izao hiala amin'ny fitiavana an'izao tontolo izao sy ireo zavatr'izao tontolo izao, ary ireo fanekem-pinoana rehetra sy ny sisa, dia mijere mahitsy mankany Kalvary mankany amin'ny Fanatitrareo; mihaonà Aminy eo amin'ireo tany ireo, satria izany ihany no toerana tokana hany Hihaonany aminareo. Izy...

¹⁹⁹ Hoy ireo Metodista hoe, “Izany dia ao amin'ny fiangonanay”; milaza ireo Batista, sy ireo Pentekotista, ary *ity*, sy ireo Presbyterana, ary *ity*.

²⁰⁰ Fa hoy Izy hoe, “Hihaona amin'izy ireo ao amin'ny toerana iray Aho, ilay Toerana izay Nametrahako Ny

Anarako.” Izany dia ao amin’i Jesosy Kristy. Ao amin’izany no nametrahan’Andriamanitra Ny Anarany. Izany no toerana tokana izay Hihaonany aminareo; ary Kristy izany, dia ny Teny, ilay tsy miova omaly... Mitombo avy amin’ny tongotra izany, ireo fe. Ary ankehitriny izany dia ao amin’ny loha, vonona ny handeha; maneho an’ilay Ampakarina amin’ny fatra feno, mitovy amin’ilay Mpampakatra.

²⁰¹ Ndao isika ankehitriny hankeo amin’ny lahatenintsika, haingana mihitsy, mandritry ny folo minitra eo, ary hamarana isika avy eo. Ankehitriny ny lahatenintsika, handinika an’izany isika rehetra. Nitranga indray izany, araka ny lahatenintsika, araka ny nitrangany mahazatra.

²⁰² Naniraka ny Mpaminaniny Andriamanitra satria Izy... ny Teny no nampantanena ny Malakia 3 hoe, “Iraka iray no Hirahiko eo anoloan’ny Tavako mba hialoha lâlana ny Fihaviany.”

²⁰³ Ankehitriny raha tianareo ny hanamarina an’izany, hanaporofo azy; Matio, ny toko faha-11, dia manamarina an’ilay zavatra iray ihany. Rehefa tonga ireo mpianatr’i Jaona ka nahita an’i Jesosy, dia hoy izy ireo hoe, “Ao an-tranomaizina i Jaona.” Hoy izy ireo, “Tonga izahay mba hanontany Anao raha izy...”

²⁰⁴ Efa voasarona ny masom-boromaherin’i Jaona. Ary tao an-tranomaizina izy, efa natao ho faty; hoy izy hoe, “Mandehana anontantio Izy.”

²⁰⁵ Hitanareo, hoy Jaona hoe, “Oh, eny an-Tânany ny Fikororohany, hanadio tsara ny Famoloany Izy.” Nihevitra izy fa nanomboka tamin’izany fotoana izany mihitsy ny Arivo taona, nihevitra izy fa efa vonona ilay voa. Saingy tsy maintsy maty izany ary miditra ao amin’ny taho, miakatra indray mba hanao an’ilay Ampakarina marina. Noho izany dia hoy izy hoe, “Hanangona ny Variny ao an-tsompittra Izy, ary Izy no handoro, ilay afo.” Diniho io—io mpialoha lâlana an’i Kristy tao amin’io taona io, izay nolazainy fa hitranga. “Ny voa...”

²⁰⁶ Ary manantena aho fa tsy matory ianareo. Eto ilay voa! Hangonina ho any an-tsompittra izy. Izany dia io Ampakarina io, ilay ampahany. Fa inona no Nolazainy fa hitranga amin’ilay taho? Hodorana amin’ny afo tsy mety maty izy. Katsaho ny famonjena ankehitriny dieny mbola afaka ianareo. Aoka ho voa iray, fa tsy taho. Hitanareo? Midira ao amin’ilay Aina, fa tsy ilay endrika maty fahiny; midira ao amin’ny Ain’i Kristy, ny Teny tonga voaseho, ny...tonga voaseho sy voamarina tahaka an’izany. Izao no—izao no fotoan’ny fanangonana, tonga ilay milina. Tsaratsara kokoa ho anareo ny miditra ao amin’ilay voa, satria ho tavela any aoriania ilay akofa.

²⁰⁷ Ankehitriny, hitantsika fa nitranga izany, Jesosy... Mba hamaranana ny andalako eto, ity Matio 11 ity. Hitanareo, Izy tsy nanome an’i Jaona...Izy nanao hoe, “Ankehitriny,

andraso, hanome boky iray an'i Jaona Aho mikasika ny hoe ahoana no hitondrany ny tenany, *Mpino Iray Ao Antranomaizina.*" Tsia! Hoy Izy hoe, "Mitsangàna eo ary diniho izay mitranga. Miverena ka asehoy an'i Jaona izay mitranga: mandeha ny mandringa, mahita ny jamba, mitsangana ny maty, ary voatory amin'ny malahelo ny Filazantsara." Izay nolazain'ilay mpaminany marina tokoa fa hiseho. "Fa sambatra ianareo izay tsy tafintohina noho ny Amiko."

²⁰⁸ Ary nandeha nanerana ny havoana ireo mpianany, nitodika Izy, nanao hoe, "Hijery inona no nivoahanareo rehefa nandeha hijery an'i Jaona ianareo? Nandeha mba hijery lehilahy iray izay mirentirenty ao anatin'ny fitafiana soa, sy ny sisa, ireo vozon'akanjo mivadika, sy io rehetra io ve, fantatrareo?" Hoy Izy, "Ao amin'ny lapan'ny mpanjaka izy ireo, manoroka zazakely sy mandevina ny maty izy ireny, tsy fantany hoe ahoana no fihazona sabatra misy tānan-droa." Hitanareo? Hoy Izy, "Hijery inona no nandehananareo? Ny-ny zozoro izay nohozongozonin'ny rivotra rehetra ve?" ("Avia, ry Jaona, homeko vola betsaka ianao raha ho avy eto." "Eny, isaorana Andriamanitra, tsy Metodista intsony aho, ho Pentekotista aho, ho Presbyterana aho, izaho ho *ity, itsy*, raha mbola misy vola betsaka foana.") Hoy Izy, "Tsy nandeha mba hijery zozoro iray nohozongozonin'ny rivotra mihitsy ianareo." Hoy Izy, "Hijery inona no nandehananareo tany, mpaminany iray ve?" Hoy Izy hoe, "Eny, ary mihoatra nohon'ny mpaminany iray."

²⁰⁹ Vao avy nanolotra ny fanomezam-boninahitra ratsy indrindra izay vitany ho an'i Jesosy i Jaona. Fantatra fa tsy maintsy ho tahaka an'izany no hahatongavany; nanontany Azy izy rehefa avy nanolotra Azy sy nahita an'io Famantarana teo Amboniny io, hoy izy hoe, "Ity no Mesia," avy eo izy dia tonga ka manontany hoe, "Ianao ve no Izy, sa hiandry anankiray hafa izahay?"

²¹⁰ Fa, jereo, Jesosy izay nahafantatra an'izany, nitodika Izy ary nanolotra fanomezam-boninahitra iray ho azy, nanao hoe, "Hijery inona no nandehananareo, zozoro iray nohozongozonin'ny rivotra ve?" Hoy Izy, "Tsy mbola nisy mihitsy olona iray natera-behivavy ka lehibe noho i Jaona, hatramin'ity andro *ity*." Marina izany! Fankasitrhana iray toy ny inona hatolotra an'ilay lehilahy!

²¹¹ Fa, hitanareo, izay ilay izy, tanteraka teo anoloan'ny tavan'izy ireo mihitsy ilay faminaniana, niaraka tamin'ny fihavian'ny mpialoha làlana iray, izay nolazain'i Malakia marina tokoa. Ankehitriny, izany no Malakia 3, fa tsy Malakia 4.

²¹² Jaona Mpanao-batisa no Malakia 3, Jesosy no niteny an'izany. Rehefa nanontany Azy izy ireo, nanao hoe, "Nahoana ireo mpanora-dalàna no milaza . . ."

Hoy Izy, "Efa tonga sahady izy. Nanao izay nolazainy izy ireo."

²¹³ Fa, tsarovy, Malakia 4, taorian'ilay mpaminanin'ny Malakia 4 avy hatrany, ilay fihaviana fahefatra an'i Jaona Mpanao-batisa tao...na ny...an'i Elia. Ny fihaviana fahadimy dia ho ny Apokalypsy 2, ireo vavolombelona, rehefa tonga ho an'ilay sisa nanamborana avy amin'ny Jiosy izy. Fa nampiasa indimy an'io Fanahy iray io ihany Andriamanitra: fahasoavana, J-e-s-o-s-y, [J-e-s-u-s,] Jesosy foana izany; f-i-n-o-a-n-a, [f-a-i-t-h,] f-a-h-a-s-o-a-v-a-n-a, [g-r-a-c-e,] sy ny sisa. Hitanareo? Ny isa dimy dia isan'ny fahasoavana ary izany no Nampiasainy. Tsy hampiasa telo fotsiny, tsy hampiasa roa fotsiny, telo, efatra. Indimy no Ampiasainy an'izany.

²¹⁴ Ankehitriny, mariho haingana ankehitriny, raha mamarana tanteraka isika. Hoy Izy hoe, "Izy no ilay voalaza hoe, 'Maniraka ny Irako eo anoloan'ny Tavako Aho.'"

²¹⁵ Fa ao amin'ny Malakia 4, taorian'ny naminanian'io mpaminany io avy hatrany, dia tsy maintsy hodorana ny tany manontolo, ka ny marina hanitsaka ny lavenon'ny ratsy fanahy. Hitanareo? Marina tokoa! Hitanareo, izany no faminanian'ny Malakia 4.

²¹⁶ Ary mariho ao amin'ny Lioka 17, izay Nilazany hoe, "Amin'ny andro farany, dia ho tonga tahaka an'i Sodoma sy Gomora indray izany." Ananantsika ve izany? Manana an'i Sodoma sy Gomora indray ve isika? Ireo firenena manontolo, jereo izany. Jereo izay vao avy nolazainy mikasika an'i Angletera, simba ny zavatra manontolo. Na dia ny sakafotra aza dia simba. Ary jereo eto fa ny siansa...Hitanareo ao amin'ny *Reader's Digest*, mino aho fa tamin'ny volana lasa ilay izy, hoy izy ireo hoe, "Ireo zazalahy kely sy zazavavy kely dia handalo eo amin'ny taona antenatenany eo anelanelan'ny roapolo sy dimy amby roapolo taona." Mifanena amin'izy ireo aho ao anatin'ny favoriana, ireo zazavavy kely ao amin'ny fitsaha-jaza, nefo roapolo, roa amby roapolo taona, ao amin'ny fitsaha-jaza. Nohon'ny inona izany? Ilay fahasimbana, fampifangaroana. Izany marina tokoa no nanimba, ilay zavatra manontolo no nanimba ny vatana. Tsy misy afa-tsy loto iray isika an'ny—an'ny...tahaka ny voly nifangaro iray.

²¹⁷ Alaivo ny voly nifangaro iray dia apetraho eo izy, ireo tsimoka rehetra dia hihazakazaka hankeo aminy avy hatrany. Fa ilay voly tena izy, tany am-piandohana, dia hanalavitra azy ny tsimoka iray, tsy afaka mijanona eo amboniny izy. Ary izany ilay olana amin'ny fiangonana, nafangarontsika izy.

²¹⁸ Izany ilay olana tamin'ny soavalys antitra an'i Pearry Green tany, ary natsipiny ilay tovolahy indray andro, tsy nisy afa-tsy ampahefa-tsoavalys antitra iray izy. Hitanareo? Ny zavatra tokana naha-izy azy, izy...Tahaka ny ramole iray fotsiny izy,

izy dia—izy dia...ramole iray izay tsy mahalala hoe iza ny papany na ny mamany, tsy mahalala na inona na inona izy; izy dia ny tapany ramole ary ny tapany soaavy, ary ny tapany *ity* ary ampondra; tsy fantany hoe inona izy. Ianareo tsy afaka mihitsy...Hiandry an'izay handakana anareo izy mandritry ny fiaianany rehetra. Marina izany! Afaka miantso azy ianareo, hanao hoe, “Avia, ry tovolahy. Avia, ry tovolahy.” Hihazona ny sofiny hitsangana izy, ary, “Hao! Hao! Hao!” Hitanareo?

²¹⁹ Tahaka an'ireo izay milaza hoe “Efa lasa ireo andron’ny fahagagana, Hao! Hao! Hao!” ireo nifangaro-tapany, natao ho mambram-piagonana sy Kristiana. Tsy milaza an’izany ho vazivazy iray aho, fa izany no Fahamarinana. Fa ny tena izy iray, tsy misy fangarony, rahalahy, dia fantany hoe iza no rainy, iza no reniny, iza no raibeny, ny renibeny, afaka mampianatra zavatra azy ianareo, malemy fanahy izy.

²²⁰ Ary ny Kristiana iray tena izy izay nateraky ny Fanahy Masina ary feno ny herin’Andriamanitra sy ny Teny, dia fantany hoe iza no rainy, iza no reniny, iza no raibeny, ny renibeny, fantany ny rehetra mikasika an’Izany. Afaka mampianatra zavatra azy ianareo.

²²¹ Fa ny nifangaro-tapany iray, izany no tonga ao amin’ireo fiangonana. Mifangaro eo anelanelan’izao tontolo izao sy ireo rafi-pandaminana mpivavaka, ka mameetraka Teny kely iray ao anatiny ao *eto*, ary Teny kely iray *etsy*, ampy hamitahana mihitsy. Marina izany. Rehefa mahita an’ilay tena Tenin’Andriamanitra voaseho tahaka ny nahitan’i Kaiafa sy izy ireo ianareo, nihodina niala tamin’Izany izy ireo, tsy nahafantatra. Mifangaro!

²²² Ankehitriny dia mahita isika, ary ao amin’ity hafatra *ity*, Isaia 40:3 dia nanamarina an’i Jaona ihany koa. Hoy izy hoe, “Ny feon’ny anankiray, mpaminany iray, miantsoantso any an-efitra hoe, ‘Amboary ny lâlan’ny Tompo, ataovy mahitsy ny Lâlany.’” Tsy nino azy ny fiangonana, satria tsy avy amin’ny vondron’izy ireo izy. Notezaina tany an-efitra io mpaminany io, tonga tsy nahalala na iza na iza. Izy dia nanana teo aminy an’ilay tena Fanahy izay nananan’i Elia: olon’ny an-efitra iray izy, nankahala an’ireo vehivavy ratsy fitondran-tena.

²²³ Tsarovy hoe toy ny ahoana i Elia...Inona no nahatongan’ny lohany ho nesorina taminy? Jezebela izany. Jezebela no nahatonga ny fahafatesany. Izany no nampandositra azy tany an-efitra.

²²⁴ Jaona Mpanao-batisa, mpitia an-efitra hafa iray, mpihaza iray, olon’ny ala. Diniho izy. Tsy nanana fianarana izy. Diniho ny—ny lahateniny, tsy tahaka ny teolojiana iray. Hoy izy hoe, “O ianareo taranaky ny vipera!” Ny zavatra maloto indrindra izay mety ho hitanareo any an-efitra, ilay misokosoko indrindra, dia ny—ny bibilava iray. Ary izy dia niantso an’ireo mpisorona

ireo hoe, "Ianareo taranaky ny vipera! Iza no nananatra anareo handositra ny fahatezerana ho avy? Aza manomboka milaza hoe, 'Mikambana amin'ity izahay, ary manana an'ity na itsy izahay,' fa lazaiko aminareo, Andriamanitra dia mahavita avy amin'ireto vato ireto," an-efitra. Izao koa, "Ny famaky" (izay nampiasainy) "dia efa mipetraka eo amin'ny fototry ny hazo; ka ny hazo rehetra izay tsy mamoa voa tsara, dia ho voakapa ka hariana ao anaty afo." Amena.

²²⁵ Mpitory teny iray avy amin'ny natiora izy. Lehilahin'Andriamanitra malaza iray, velona fotoana fohy, saingy nametraka lelafo iray tokoa nanerana ny tany. Nandona an'io taranaka io izy tao amin'ireo enim-bolana an'ny asam-panompoany. Nitaiza azy nandrity ny telopolo taona Andriamanitra, mba hahazoana an'io enim-bolana io avy ao aminy. Fa manao Ny fombany Manokana Andriamanitra, Fantany hoe inona ny Vokany.

²²⁶ Ary hitantsika ankehitriny fa izany marina tokoa no niseho. Tsy nino azy izy ireo, satria tsy avy tamin'izy ireo izy. Tsy nino izy ireo. Nanao tahaka ny mahazatra izy ireo, tsy nahita an'Izany izy ireo. Tsy nino ny Tenin'Andriamanitra ny amin'ny Malakia 3 izy ireo, fa raha tsy izany dia ho nahita mazava izy ireo, arabakiteny, fa io izany mpialoha lâlana izany. Efa tsy nanana mpaminany iray izy ireo nandrity ny efajato taona, nefä indro fa miseho eo amin'ny sehatra tampoka ny anankiray. Hitanareo? Ary ny olona, ireo mpino, dia nino azy ho izany. Hitanareo, tsy nino an'Izany izy ireo. Tsy nino izy ireo, satria rehefa nahita an'ilay soratra voamarina tanteraka izy ireo, izay Nolazainy fa Hataony, sy ny zavatra rehetra, ary nahita an'Izany voamarina mazava rehefa tonga tao anaty rano teo amin'ilay mpaminany mihtisy ny Teny. Nitsangana teo izy ireo.

²²⁷ Maro no miady hevitra ny amin'io Soratra eo io mikasika an'i Jaona. Hitanareo, hoy Jaona hoe, "Izaho no mila Hataonao batisa, fa nahoana Ianao no manatona ahy?"

²²⁸ Hoy Jesosy hoe, "Ekeo ihany izao, satria izao... fa izao no mety amintsika, tsara amintsika (mety) mba hanatanterahantsika. Eny àry, ry Jaona, ianao izay mpaminany iray, fantatrao fa tsy maintsy sasàna ny fanatitra alohan'ny hanolorana azy. Ary Izaho io Fanatitra io, ary ianao dia mpaminany iray ka mahafantatra an'izany." Noho izany dia nanaiky Azy izy ary nanao batisa Azy. Hitanareo? Ary fantany fa izany ilay izy.

²²⁹ Jereo, nihomehy azy izy ireo, niantso azy ho "olon-dia iray, mikiakiaka, fanaticika tsy nianatra," araka ny mahazatra, io mpaminany izay nialoha lâlana ny fihavian'i Jesosy voalohany io.

²³⁰ Tsy milaza aho hoe izy ireo dia... tsy manana an'ireo fakan-tahaka iray ihany amin'izao andro izao an'ny—an'ny tena izy.

Manana izy ireo, manana tokoa izy ireo. Saingy, tsarovy, eo amin'izay ahitanareo dolara sandoka iray dia tsy maintsy misy ny tena dolara anankiray izay nanaovana azy. Eo amin'izay ahitanareo olona iray maka tahaka mba ho Kristiana iray, dia tsy maintsy misy ny tena Kristiana anankiray any ho any; satria, raha tsy izany ilay izy, dia *io* no ho ilay tany am-boalohany. Tsy maintsy mitady an'ilay tany am-boalohany ianareo. Fa amarino ilay anankiray voalohany, dia jereo raha araka ny teny fikasana marina tokoa ilay tany am-boalohany. Raha izay ilay izy, amin'izay fotoana izay dia inoy Izany: ny teny fikasana ho an'ilay taona.

²³¹ Tamin'izay fotoana izay dia voamarina araka ny lamin'Andriamanitra ny faminaniana'i Jaona. Tonga tamin'ilay mpaminany ny Teny ary nanamarina azy marina tokoa ho ilay olona.

²³² Tonga indray koa Jesosy tao amin'ny...endrika iray hafa nohon'ny fahazoan'izy ireo an'io faminaniana io. Tsy tahaka an'izany no nahazoan'izy ireo Azy. (Ankehitriny, ho tonga eo amin'ny farany isika ankehitriny.) Fa araka ny Tenin'ilay mpaminany, dia tanteraka ara-bakiteny Izany. Tanteraka ilay faminaniana; saingy ny fomba izay niheveran'izy ireo fa hahai-azy Azy, dia tsy tahaka an'izany Izy. Ankehitriny, ahoana no nahafahan'izy ireo hahazo sy hahafantatra izay marina sy diso? Ny mahita raha voamarin'Andriamanitra izany, raha Andriamanitra no nandika an'izay Nolazainy. Nisy an'ireo Jesosy sandoka niseho teo, ary nitarika lehilahy iray, andiany iray an'ny...efajato, tany an-efitra sy ny sisa; saingy tsy nanaporofo mihitsy izy hanaovany ny tenany ho ao anatin'ny Teny, hitanareo, tahaka ny Nolazainy.

²³³ Jesosy, rehefa tonga Izy, dia tsy maintsy ho Mpaminany iray Izy. Marina izany! Ary amin'izao andro izao, alohan'ny ahatongavan'i Jesosy indray, dia tsy maintsy voaseho eo amin'ny nofo ny fanehoana feno ny maha-izy an'i Jesosy Kristy. Eritrereto izany! Hoy Jesosy hoe, "Tahaka ny tamin'ny andron'i Sodoma, dia ho toy izany koa amin'ny fihavian'ny Zanak'olona, rehefa ho voambara ny Zanak'olona." Inona ny hoe *voambara*? Voaseho, nampahafantarina. Navoaka ilay tsiambaratelo, voaseho. Amin'ny andro izay hanambarana ny Zanak'olona, dia ho ao amin'ny toeran'i Sodoma izao tontolo izao. Ananantsika izany, sa tsy izany? Hia! Firy no mino an'izany? Ao amin'ny toeran'i Sodoma izy. Ary tena marina tokoa izany! Jereo hoe aiza izy no mipetraka, ankehitriny.

²³⁴ Tsarovy, misy vondron'olona telo foana ao amin'ny andian'olona tsirairay izay iangonanareo, izany dia, ireo mody mpino, ireo tsy mpino, ary ireo mpino. Manana azy ireo isika ao amin'ny vondrona tsirairay. Nanana azy ireo foana izy ireo. Nisy an'ireo Sodomita, nisy an'ireo—nisy an'ireo Lotita, ary nisy an'i Abrahama.

²³⁵ Ilay Abrahama no nantsoina hoe vondrona iray nantsoina hivoaka, tsy tao Sodoma izy hatrany am-boalohany. Ankehitriny diniho ny Hafany! Niandry zanaka nampanantenaina iray izy ireo, niandry an'izany nandrity ny taona maro. Naneho famantarana lehibe maro sy fahagagana tamin'i Abrahama Andriamanitra, fa eto dia Andriamanitra Izzy tenany no nidina tahaka ny olona iray!

²³⁶ Hoy ianareo hoe, "Izany dia Anjely iray."

²³⁷ Abrahama dia niantso Azy hoe, "Tompo," sora-baventy T-o-m-p-o. Mahafantatra ny mpamaky Baiboly rehetra fa ny sora-baventy T-o-m-p-o dia Elohimy. "Tamin'ny voalohany Andriamanitra," Tompo Andriamanitra, Elohimy, ilay Tokana ampy tanteraka. Abrahama dia niantso Azy hoe, "Tompo Andriamanitra, Elohimy."

²³⁸ Mariho ankehitriny, nisy olona roa izay nandeha tany Sodoma niaraka tamin'ny hafatra iray, ary nitory tamin'ireo Sodomita izy ireo. Tsy nanao na inona na inona izy ireo, fa nanajamba azy ireo; satria, ny fitoriana ny Filazantsara dia manajamba ny tsy mpino.

²³⁹ Fa diniho hoe karazana famantarana inona no noraisin'ilay vondron'i Abrahama!

²⁴⁰ Ankehitriny, isika dia natao ho Taranaka mpanjaka an'i Abrahama, Isaka no taranaka ara-nofo. Fa ny Taranaky ny finoana, ny finoana ao amin'ny Teny nampanantenaina, ilay Teny *nampanantenaina* (aza diso an'Izany) dia io Taranaka mpanjaka io; io ilay Taranaka, ny finoan'i Abrahama. "Matty tao amin'i Kristy isika, isika no Taranak'i Abrahama, mandova miaraka aminy araka ny teny fikasana."

²⁴¹ Mariho rehefa niseho izany rehetra izany, tany Sodoma tany dia nisy mpitoriteny roa nitory teny niaraka tamin'ny hafatra lehibe iray.

²⁴² Nisy Anankiray nipetraka teto niaraka tamin'ny vondron'i Abrahama izay tsy niadaladala tamin'io vondrona tany io. Diniho ankehitriny ilay Anankiray izay nianona niaraka tamin'ny vondron'i Abrahama, karazana famantarana inona no Nomeny azy ireo. Hoy Izzy hoe . . . Ankehitriny, tsarovy, ny anarany dia Abrama andro vitsy talohan'io; ary izany dia S-a-r-a-y, fa tsy S-a-r-a-h-a (mpanjakavavy). Ary ity Lehilahy ity, niaraka tamin'ny Lamosiny nitodika tany amin'ny tranolay . . .

²⁴³ Ireo vehivavy tamin'izany fotoana izany dia hafa nohon'ny maha-izy azy ireo ankehitriny. Tsy maintsy mivoaka izy ireo ary manao ny asan'ny vadiny sy ny zavatra hafa, fantatrareo. Fa tsy nanao an'izany izy ireo tamin'izany fotoana izany; nianona taty aoriana izy ireo.

²⁴⁴ Noho izany izy ireo . . . noho izany dia nipetraka teo ireo Anjely ireo. Ilay Iraka, ary hoy Izzy hoe, "Abrahama, aiza

ny vadinao (S-a-r-a-h-a) Saraha?" Ahoana no Nahafantarany an'izany? Ahoana no Nahafantarany an'izany?

²⁴⁵ Hoy Abrahama hoe, "Ao anaty tranolay Aorianao izy."

²⁴⁶ Hoy Izy hoe, "Hamangy anao Aho araka ny fotoana izay Nampanantenaiko anao. Hamangy anao Aho." Dia somary nihomehy irery i Saraha.

²⁴⁷ Niaraka tamin'ny Lamosiny nankany amin'ilay tranolay, dia hoy Izy hoe, "Nahoana no nihomehy i Saraha, nanao hoe, 'Ahoana no hampety an'izany zavatra izany?'" Raha tsy tao amin'i Abrahama izy, ny ampakarin'y tamin'io fotoana io, dia ho efa namono azy Andriamanitra. Ho toy izany koa isika amin'izao andro izao miaraka amin'ny tsi-finoantsika rehetra, raha tsy tao amin'i Kristy isika. Izany mihitsy no mihazona antsika eo, hitanareo. Tsy afaka nandratra Izy na tsy afaka naka an'i Saraha nefá tsy nandratra an'i Abrahama. Hitanareo?

²⁴⁸ Ary noho izany dia tsarovy, hoy Jesosy hoe, "Tahaka ny tamin'ny andron'i Sodoma, dia ho toy izany koa amin'ny fihavian'ny Zanak'olona." Hitantsika fa manaiky ny olona rehetra hoe ao amin'ny toeran'i Sodoma izao tontolo izao. Naka gazety iray aho tany Los Angeles teto vao tsy ela akory izay, ary nilaza, heveriko fa ilay izy dia "Mitombo roapolo na telopolo isan-jato ny lahy manambady lahy ao Los Angeles, isan-taona dia mitombo mihoatra an'izany." Izany dia... Oh, mampahatahotra izany! Ao amin'ny governemantsika sy hatraiza hatraiza, lasa simba mihitsy ny zavatra rehetra. Marina izany! Ilay zavatra manontolo, ilay rafitra manontolo, ny fiangonana sy ny zavatra hafa dia simba. Ao amin'ny taona simba iray izany.

²⁴⁹ Ankehitriny dia te-hanontany zavatra iray aminareo teolojiana aho, avy amin'ireo rahalahiko. Tsy miteny manohitra anareo aho, ry rahalahy malalako; eto aho mba hanamphy anareo, rahalahy. Eto aho mba hijoro eo amin'izay lazain'ny Tenin'Andriamanitra fa marina, hihazona ny tanganareo ka hitondra an'ity vahoaka betsaka ity hivoaka amin'io karazanjavatra io. Marina!

²⁵⁰ Fa jereo eto, tsy mbola nanana iraka iray mihitsy isika tany Sodoma tany aloha ka ny anarany dia niafara tamin'ny h-a-m hatramin'izao. Efa nanana Spurgeon iray isika, Wesley iray, Luther iray, sy ny zavatra hafa, saingy tsy nisy iraka iraisam-pirenena iray mihitsy ka ny anarany dia niafara tamin'ny h-a-m, tany aloha. Marina izany! Hitanareo, G-r-a-h-a-m, litera enina, G-r-a-h-a-m, Billy Graham; io evangelista malaza io, asan'Andriamanitra lehibe, nirahina avy tamin'Andriamanitra ilay lehilahy. Hainy tsara mihitsy io fanamarinana io, ary nanozongozona ny firenena izy niaraka tamin'izany, hitanareo, tahaka an'izany. Tsy misy . . .

²⁵¹ Jereo i Oral Roberts ho an'ilay anaram-piangonana Pentekotista. Oviana no mba nisy anankiray tahaka an'izany?

²⁵² Litera enina, fa tsy fito. Abrahama dia A-b-r-a-h-a-m-a, [A-b-r-a-h-a-m,] fito. Billy Graham dia G-r-a-h-a-m, enina.

²⁵³ Jereo ireo iraka ankehitriny. Jereo ny fotoana izay misy antsika, tsy nisy fotoana iray mihitsy tao amin'ny tantara. Jereo ireo famantarana iray ihany izay Nampanantenainy fa homena ny vondrona tsirairay. Jereo hoe aiza no misy azy ireo. Mitovy, marina tokoa, ara-toerana, mipetraka ao amin'ny lamina mihitsy. Ny natiora, izao tontolo izao, ny zavatra rehetra, dia mipetraka marina tokoa eo amin'ilay fotoana.

²⁵⁴ Aza diso an'Izany ankehitriny, raha mbola manao sarisary ny ambin'ity Soratra ity isika! Haingana ankehitriny, satria mihazona anareo ela loatra aho. Miantso...Jereo eto. Ary arak'ilay mpaminany, dia tonga marina tokoa teo amin'ny Teny izy, teo amin'ilay fotoana marina tokoa.

²⁵⁵ Ankehitriny dia jereo ilay taona izay iainantsika ankehitriny. Tsy miaina mihitsy ao amin'io fotoan'i Sodoma io ve isika? Diniho ilay iraka ho an'ny vondron'i Abrahama. Diniho ireo isa, litera, ary ny isan'ny anarany. Hoy ianareo hoe, "Tsy misy na inona na inona ao amin'ny anarana iray." Aza mamela olona hiteny an'izany aminareo mihitsy. Nahoana Izy no nanova ny anaran'i Abrama, ho Abrahama, Saray ho Saraha? Nahoana Izy no nanova ny anaran'i Simona ho Petera, sy ireo hafa rehetra ireo? Hitanareo? Azo antoka fa misy. Marina tokoa!

²⁵⁶ Izany no antony ilazako hoe aza, aza miantso ny anaran'ny zanakareo mihitsy hoe "Ricky," na "Elvis," na zavatra iray. *Elvis* dia midika hoe "saka," ny *Ricky* dia ny "voalavo." Hitanareo, rehefa hoy ianareo hoe...Tena marina tokoa izany. "Les," na zavatra iray, aza miantso ny iray amin'ny zanakareo mihitsy...ireo zanakareo an'izany. Raha izay ilay izy, dia ovay haingana mihitsy, ry olona. Ianareo aza...Ianareo izay...Raha mino ahy ho mpanompon'Andriamanitra ianareo, dia aza mamekaka an'izany anarana izany amin'io zanaka mampalahelo io. Hitanareo? Tsia, tompoko, omeo anarana hafa iray ankoatran'izany izy. Oadray! Tsy tokony niditra tamin'izany aho, satria lasa any ivelan'ny lohahevitra, fa efa nolazaiko ilay izy dia mifarana tanteraka izany. Izaho... Tahaka an'izany no ataonareo, tsy fantatrareo hoe rahoviana no ilazanareo azy. Hitanareo?

²⁵⁷ Niantso Azy hoe, "Vahiny, mpanao hatsarana iray, devoly iray, Belzeboba iray," ary nanao hoe, "nanao ny Tenany ho Andriamanitra Izy." Oh, oadray!

²⁵⁸ Tsy nilaza ve Isaia mpaminany hoe, "Izy dia hantsoina hoe Andriamanitra Mahery"? Isaia 9:6, "Zaza no teraka ho antsika, zazalahy no nomena, ary ny fanapahana dia eo

an-tSorony, ary Ny Anarany dia hantsoina hoe Mpanolotsaina, Andrian'ny Fiadanana, sy Andriamanitra Mahery, ilay Rain'ny mandrakizay." Marina izany! Izao koa, Masindahy Jaona 1:1, "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika." Mino an'izany ve ianareo? Izy tsy hoe fotsiny... Mpaminany iray Izy, saingy mihoatra lavitra nohon'ny mpaminany iray Izy; Izy dia Andriamanitra-Mpaminany. Nahoana no tsy maintsy tonga Izy?

²⁵⁹ Tsarovy, tonga tamin'ny anaran'ny zanaka telo Izy. Tonga voalohany Izy tamin'ny anarana hoe ny Zanak'olona. Tsy niantso ny Tenany mihitsy Izy hoe ny "Zanak'Andriamanitra." Fantatrareo izany. Hitanareo, tonga tamin'ny anarana hoe ny Zanak'olona Izy, mpaminany iray. Jehovah Izy tenany, ilay Ray, no niantso an'i Jeremia hoe, "zanak'olona"; ny mpaminany iray dia zanak'olona. Tonga Izy...

²⁶⁰ Ankehitriny dia tonga Izy taorian'ny Andron'ny Pentekosta, niverina tao amin'ny endriky ny Fanahy Masina Izy, Fanahy ivelan'ny voajanahary. Ankehitriny Izy dia Zanak'Andriamanitra.

²⁶¹ Ao amin'ny Arivo taona Izy dia ho Zanak'i Davida, mipetraka eo ambonin'ny seza fiandrianan'i Davida. Hitanareo, Izy dia tonga tamin'ny... Izy dia Zanak'Andriamanitra, Zanak'olona, Zanak'i Davida.

²⁶² Oh, feno an'ireo vaingana ireo ny Baiboly. Tsy afaka maka azy rehetra ireo ao anatin'ny hariva iray isika. Fa mety tsara fotsiny ny mametraka an'ity ankehitriny. Mety tsy hiposaka mihitsy ny rahampitso. Mety efa lasa angamba isika alohan'ny rahampitso. Mety mitory teny amin'ny olona iray izay ho faty alohan'ny maraina angamba aho. Mety ho lasa alohan'ny maraina aho. Rahalahy, ranabavy, tsy angano izany, tena zava-misy izany! Tsy fantatsika hoe fotoana inona no handehanantsika, ary tsy hanana anjara intsony ianareo aorian'ny ialan'io fofon'aina farany io amin'ny vatanareo. Ahitsiho izany izao ankehitriny izao, aza miandry hatramin'ny maraina, mety ho tara loatra.

²⁶³ Mariho ankehitriny, nataon'izy ireo Taminy marina tokoa izay nolazain'ireo mpaminany fa hataon'izy ireo, tena tahaka ny ataon'izy ireo amin'izao andro iray izao ihany mihitsy ao amin'ilay Taona Laodikiana. Raha te-hijery an'izany ianareo, dia vakio ny Apokalypsy 3, "Jamba, mitanjaka, nefo tsy fantany izany. Nandà an'i Kristy..." Rehefa manomboka manambara ny Tenany ao amin'ny endrika voa indray Izy, ilay iray ihany izay nidina tao anatin'ny tany no miverina indray mba ho ny Ampakarina; ny Ampakarina sy ny Mpampakatra fotsiny, dia ilay nofo sy rà iray ihany, ilay asam-panompoana iray ihany, ary

ireo zavatra iray ihany, manao marina tokoa an'izay Nataony, ilay Fanahy.

²⁶⁴ Ary indro fa maka tahaka izy ireo ary manao zavatra hafa, ka ny tsirairay avy dia manana ny bokiny ary mihazakazaka, ary *ity*. Oh, tsy mbola nandre fahatsapana tahaka an'izany mihitsy ianareo! Ary... [Misintona rivotra amin'ny orony Rahalahy Branham—Mpand.] “Manimbolo devoly iray aho ankehitriny.” Ity rehetra *ity, itsy*, tena tsy ara-tsoratra arak’izay maha-izy azy mihitsy!

²⁶⁵ Nefa ilay zavatra tena izy dia mipetraka eo anoloan’izy ireo mihitsy, miala lavitra izy ireo, “Tsy mikambana amin’ny rafi-pandaminako izy ireo.” Oadray, oadray, izao fotsiny, hitanareo, jamba mitarika jamba fotsiny. Tsy hianjera any anatin’ny lavaka ve izy rehetra? Nohajambain’ireo fombafomba ara-anaram-pianganon’olona, napetrak’izy ireo tany ivelan’ny fianganana Izy araka ny nolazain’Andriamanitra fa hataon’izy ireo, ao amin’ny Apokalypsy 3; araka ny mahazatra, araka ny naminaniana.

²⁶⁶ Mariho hoe ahoana Jesosy ten-...nampahafantatra ny Tenany tamin’ireo mpianatra ireo, ankehitriny, ary hamarana isika. Ireo mpianatra roa, Kaiafa... Kleopasy, raha ny marina, sy ny sakaizany. Ankehitriny dia ao amin’ny fitsanganana isika, ny maraina taorian’ny fitsanganana, ilay fitsanganana voalohany; maraina mahafinaritra toy ny inona, nitsangana tamin’ny maty Jesosy ary niaina teo anivon’ny Olony. Fisainana mahafinaritra toy ny inona!

²⁶⁷ Eto Izy ilay tsy miova androany tahaka Azy tamin’izany andro izany, satria Izy no tsy miova omaly, anio, ary man... Ary maneho ny Tenany androany mihoatra nohon’ny Nanehoany tao amin’ny taona hafa rehetra hatramin’io andro io; nandalo an’ilay vary sy taho ary akofa (efa lasa izany rehetra izany ankehitriny), ao amin’ilay vary indray isika. Hitanareo, miverina ao amin’ilay voa indray isika.

²⁶⁸ Fantatra tahaka...mahafantatra...Diniho hoe ahoana no Nampahafantarany ny Tenany tamin’ireo olona ireo, ankehitriny, tsarovy, ho ny Mesiany (alohan’ny hamaranantsika mihitsy) an’ny Teny nampanantenaina an’ilay taona. Mariho! Izy dia niseho tamin’ny, teo amin’ireo...araka ny efa Nolazainy fa Hataony, tamin’ireo mpaminany. Mariho, “Ry adala, sy votsa fo mba hino fa izay rehetra nosoratan’ireo mpaminany mikasika Azy dia tsy maintsy tanteraka.”

²⁶⁹ Diniho Izy! Nitodika tamin’ny Tenin’Andriamanitra indray Izy, tsy tonga avy hatrany mihitsy Izy ka niteny tamin’izy ireo hoe, “Tsy fantatrareo ve Aho? Izaho no Mesia izay nitsangana.” Tsy niteny an’izany mihitsy Izy. Hitanareo, nanome azy ireo ny Soratra fotsiny Izy, tahaka ny nataon’i Jaona, sy ny sisa tamin’izy ireo. Hitanareo? Izy fotsiny...Izy ireo ihany no mila mandray

an'izany. Izy ireo ihany no mila mitsara ny tenany. Ankehitriny,aza matory, tsarao ny tenanareo.

²⁷⁰ “Ry adala, votsa fo mba hino fa izay rehetra nolazain’ireo mpaminany dia tsy maintsy miseho.” Fananarana iray toy ny inona ho an’ireo izay nihambo fa nahafantatra Azy izy ireo. Hitanareo?

²⁷¹ Mariho hoe ahoana no Nanatonany an’ilay lohahevitra. Tsy tonga avy hatrany Izy, araka ny nolazaiko minitra vitsy lasa izay, ka nanao hoe, “Eny, tsy fantatrareo ve fa Izaho no Mesianareo ho an’izao taona izao? Tsy fantatrareo ve fa Izaho no Izy?” Ny tena mpanompon’Andriamanitra dia tsy manondro ny tenany tahaka an’izany mihitsy; ny Soratra no manondro hoe iza izy. Azo antoka, hanao izy. Fa niantso ny fifantohan’izy ireo ho amin’izay efa nolazain’ireo mpaminany fa handrasana ao amin’ilay taonan’ny Mesia. Hitanareo ve izany? Niverina avy hatrany: “Ry adala, sy votsa fo, tsy mino fa izay rehetra nolazain’ireo mpaminany mikasika ny Mesia dia tokony hiseho.”

²⁷² Izy, tahaka an’i Jaona, dia namela ny Tenin’ny Baiboly hanondro Azy, hoe inona Izy ho azy ireo. Tokony ho vita mazava tsara izany. Raha nanondro Azy ny Teny, dia tokony tena mazava hoe Iza ilay teny fikasana izay jeren’izy ireo. Fantatr’izy ireo fa izy dia... nisy olona iray izay tsy maintsy tonga teo amin’ny sehatra tamin’io fotoana io.

²⁷³ Nahoana, hoy Izy hoe, “Ankehitriny dia mamelà Ahy haneho izay nolazain’ny Teny fa natao hitranga amin’ity andro ity.”

²⁷⁴ Tsy izaho ve, izao hariva izao, no miezaka miteny aminareo, Teny amin’ny Teny (hatramin’ilay toerana aza, ilay faritra, ireo anarana, ireo isa, ny zavatra hafa, sy ireo famantarana rehetra, ireo fotoana, sy ny zavatra rehetra), fa eto amin’ny fotoana farany mihitsy isika izao? Azo antoka tokoa fa afaka mahita an’izay resahako ianareo. Hitanareo? Jereo! Tena mazava izany ka tsy tokony hila fanondroana intsony. Izy no nilaza, rehefa teto an-tany Izy hoe, “Zahao ny Soratra, ao amin’izy ireny no heverinareo fa anananareo Fiainana Mandrakizay, izy ireo no... izy ireo no manamarina hoe inona Aho, hitanareo, iza Aho.”

²⁷⁵ Mariho, nanomboka tamin’i Mosesy mpaminany Izy, mpaminany iray, Deoteronomia 18:15. Mandinika an’ireo Soratra aho eto. Deoteronomia 18:15, hoy Mosesy hoe, “Ny Tompo Andriamanitrareo...”

²⁷⁶ Hitanareo, niresaka taminy teo an-tampon’ilay tendrombohitra Andriamanitra. Ary, oh, oadray, ilay kotorobaratra; hoy izy ireo hoe, “Aoka—aoka ny Tompo... Aoka i Mosesy no hiteny, fa tsy Andriamanitra, fandrao levona izahay.”

²⁷⁷ Hoy Izy hoe, “Tsara ny nolazain’izy ireo. Izaho dia... Tsy hiteny amin’izy ireo intsony tahaka an’izao Aho, fa hanangana mpaminany iray ho azy ireo Aho.” Ary dia izany foana ny

Hafany hatramin'izay. Izany no tokony hampilamina ny zavatra manontolo amin'ny farany. Tsy maintsy ho izany mihitsy, satria tsy maintsy tonga amin'ny mpaminany ny Tenin'ny Tompo. Izany ihany no zavatra tokana Ahafahany ho tonga. Raha tsy izany, dia manimba ny Tenin'Andriamanitra izany ary manao Azy hiteny zavatra diso. Hitanareo? Tsy handeha mankany amin'ny seminera iray mihitsy Izany. Mandeha mankany amin'ny mpaminany iray Izany. Ary ilay mpaminany dia nirahina avy tamin'Andriamanitra, voatendry. Ary ahoana no ahafantaranareo hoe izany ilay izy, fa tsy izay nolazain'ilay lehilahy. . . .

²⁷⁸ Efa nanana an'ireo Elia isika, sy ireo akanjo ambony, sy ny zavatra hafa, ary ireo kapôty, sy ireo karazana hadalana rehetra, ka niditra tao amin'ireo rafi-pandaminana sy ny zavatra hafa.

²⁷⁹ Saingy ho tonga eto amin'ity tany ity, araka ny teny fikasan'Andriamanitra, ny mpanompon'Andriamanitra tena izy iray, voatondron'Andriamanitra (tamin'ny alàlan'Ny Teniny ho valin-tenin'izao andro izao), izay hametraka an'ilay Ampakarina ao amin'ny lamina (tena havitsiana kely iray avy amin'ilay fiangonana) ka hitondra azy hiakatra. Marina izany! Izy no hampiditra hoe, "Indro, ilay Anankiray izay noresahako, hitanareo, izay ho avy."

²⁸⁰ Ary izay rehetra nolazain'ireo mpaminany mikasika Azy, sy ho an'ity taona ity, nahoana no azo antoka fa tena nilaina ny mandre Azy nilaza an'izany. Tsy ho tianareo ve ny nandre Azy milaza an'izany? "Ireo mpaminany rehetra dia nilaza mikasika. . ." Tsarovy, Izy no nilaza an'izay ho lazain'ireo mpaminany mikasika ny Tenany, manonona ny amin'Ny Tenany Manokana, izay efa Nolazainy (ary Izy no Teny); manonona.

²⁸¹ Ndao isika ankehitriny hihaino an'ireo Teny izay Notononony. Ho tianareo ve ny handre an'izay Nolazainy tamin'izy ireo? Ndao isika hanaraka an'ireo resany ankehitriny, alohan'ny hijanonantsika mihitsy.

²⁸² Ankehitriny, nilaza ny nitranga farany rehetra ny amin'ny fanohomboana izy ireo, ny amin'ny tantara teo amin'ny toeram-pandevenana sy ny fasana, sy ireo vehivavy izay nahita Azy, ary ilay anankiray hafa izay nilaza fa nahita Azy, sy ny sisa. Nilaza Izy. . . Izy ireo—nilaza an'izany Taminy izy ireo. Dia nanohy avy hatrany niaraka tamin'ny Teny Izy mikasika. . . .nanonona ny Tenany tamin'ny alàlan'ny Teny:

"Ankehitriny jereo ao amin'ny Zakaria 12." (Tsy maintsy nanonona ny Zakaria 11:12 Izy.) "Fa namidy volafotsy madinika telopolo Izy. Tsy natao hamidy volafotsy madinika telopolo ve ny Mesia?

"Ao amin'ny Salamo 41:9, Izy dia navadik'ireo Sakaizany. Hitanareo?

"Zakaria 13:7, nafoin'ireo Mpianany.

“Ao amin’ny Salamo 35:11, nampangain’ireo vavolombelona sandoka.

“Araka ny Isaia 35:7, moana teo anoloan’ireo mpiampanga Azy, tsy nanokatra ny Vavany mihitsy.” (Eny àry, tompoko.)

“Isaia 50:6, Izzy dia nokaravasiana.

“Salamo 22–22, Izzy dia niantsoantso teo amin’ny hazo fijaliana hoe, ‘Andriamanitro, nahoana no nahafoy Ahy Ianao?’ Ny Taolako rehetra dia mibanjina Ahy. Nofantsihan’izy ireo ny Tànako sy ny Tongotro.” (Jereo ireo faminaniana izay Azony noresahina!)

“Isaia 9:6, Zaza no teraka ho antsika, hanan-anaka ny virijiny, sy ny sisa.

“Ary ao amin’ny Salamo 22:18 ihany koa, izy ireo—izy ireo—izy ireo dia nizara ny Fitafiany teo anivon’izy ireo.

“Ao amin’ny Isaia 7:14, hanan-anaka ny virijiny.

“Salamo 22:7 sy 8, nanao Azy ho . . . nesoin’ireo Fahavalony, Ny . . . natao ho Sakaizany; ireo Fahavalony, ilay fiangonana.

“Ao amin’ny Salamo 22 indray, Izzy dia . . . tsy nisy taolana iray ho tapaka, fa nofantsihan’izy ireo ny Tànany sy ny Tongony.

“Isaia 53:12, maty niaraka tamin’ireo mpanao ratsy.

“Ao amin’ny Isaia 53:9, notorotoroina, ary nalevina teo amin’ny rahalahy mpanan-karena.

“Ao amin’ny Salamo 16:10, Izzy dia nitsangana tamin’ny maty. Davida no niteny an’izany, ‘Tsy hamela Ny Iray Masiko hahita ny lò Aho, tsy hahafoy ny Fanahiny koa any amin’ny helo Aho.’ Nitsangana tamin’ny maty Izzy.

“Malakia 3, Jaona Mpanao-batisa no mpialoha lâlana Azy.”

²⁸³ Ary ireo tandindona rehetra izay tsy maintsy Nandalovany! Na dia ny amin’i Isaka izay Tandindony teo ambonin’ny Tendrombohitra aza . . . teo ambonin’ny tendrombohitra izay nitondran’i Abrahama rainy azy, ao amin’ny Genesisy 22.

²⁸⁴ Teo izy ireo ankehitriny vao nanomboka nahita hoe Iza no nahatanteraka an’ireo Soratra izay nampanantenaina an’io andro io. Tamin’io fotoana io, rehefa tara ny ora, vao nanomboka nahita izy ireo. “Oh! Eny, andraso iray minitra! Mba fantatrareo moa?” Fantatr’izy ireo tamin’izay fotoana izay fa ilay Sakaizan’izy ireo voahombo, Jesosy, io Mpaminany izay nampanantenaina io. Nahafantatra izy ireo satria . . . Hitanareo, tsy mbola nilazana ny amin’ireo Soratra izy ireo.

²⁸⁵ “Fa, indro, ireo zavatra rehetra izay natao hitranga teo amin’ny hazo fijaliana, ireo zavatra rehetra ireo. Ry adala, votsa fo mba hahazo an’ireo rehetra efa nolazain’ireo mpaminany; ahoana fa hiaritra ny Mesia, ka hiditra ao amin’ny Voninahiny, ary hitsangana amin’ny andro fahatelo.”

²⁸⁶ Mbola nandeha ihany izy ireo hoe, “Oh, hia. Marina izany. Milaza aho fa Izy—Izy . . . Tsy nangorakoraka tao anatintsika ve ny fontsika?” hoy izy ireo. Tsy mahagaga raha nangorakoraka ny fon’izy ireo! Ireo faminaniana izay Nomeny ka tanteraka.

²⁸⁷ Tamin’izay fotoana izay dia nanomboka nahazo izy ireo fa ny Sakaizany, ilay Lehilahy izay niara-nihinana taminy, niara-niresaka, niara-nikambana, niara-nanjono, nandry tany anaty ala, hoe izany no nahatanteraka ny Teny rehetra an’ilay ora nampanantenaina! Izay ilay izy. Nandeha enina maily izy ireo, toy ny hoe tena fotoana fohy ilay izy, heveriko, ary nihaino toriteny adiny enina izy ireo teo amin’ny faminaniana voamarina (lava kely noho izay nananantsika izao hariva izao, hitanareo). Somary tara kely izany ankehitriny ao amin’ilay fotoan’ny hariva, tonga ireo Hazavan’ny hariva.

²⁸⁸ Mitovy amin’izany ankehitriny, ry fiangonana! Tonga ireo Hazavan’ny hariva! Hebreo 13:8, “Izy no tsy miova omaly, anio, ary mandrakizay.” Oh, ireo zava-mitranga lasa mazava nohon’ny faminaniana, mitovy amin’izao andro izao. Ilay Hazavan’ny hariva nampanantenain’ny mpaminanin’Andriamanitra, ao amin’ny Zakaria 14:7, dia afaka manokatra indray ny mason’ilay tena mpino marina amin’ireo zava-mitranga izay miseho amin’izao andro izao, izay noporofoin’ireo faminaniana fa eo amin’ny fotoana farany isika izao. Avy Jesosy.

²⁸⁹ Ilay tena . . . Izany dia . . .

²⁹⁰ Hoy izy hoe, “Hisy andro iray izay tsy hantsoina hoe alina na andro.” Hoy izy hoe, “Fa amin’ny hariva dia hisy Hazavana.” Ankehitriny, fantatsika, ara-jeografia, fa mipozaka any atsinanana ny masoandro ary milentika any andrefana. Ankehitriny, hoy ny mpaminany hoe, “Hisy fihitaram-potoana lava izay ho maizimaizina, karazan’ny . . . tsy azo antsoina hoe andro na alina; izany dia karazana andro iray maizina, manjombona.”

²⁹¹ Ankehitriny, taiza no nipozaka ilay Zanaka? Inona . . . Izany no Z-a-n-a-k-a izay resahantsika ankehitriny. Hoe ilay z-a-n-a-k-a ara-boajanahary dia mipozaka any atsinanana ary milentika any andrefana. Ilay tena Andriamanitra mihitsy, tena iray ihany . . . *Masoandro*, raha ny marina. Ary ilay Z-a-n-a-k’Andriamanitra dia nipozaka avy tany atsinanana aloha, ho an’ireo vahoaka tatsinanana.

²⁹² Ary ankehitriny taorian’ny Nialany, dia inona no nataon’izy ireo? Telonjato taona taty aoriana, dia nanomboka ny rafipandaminany voalohany izy ireo, ilay fiangonana Katolika Romana. Nandalo an’ilay Taona Maizina izy ireo, ary nivoaka. Inona no nataon’izy ireo? Ilay zavatra iray ihany. Izany dia andro iray an’ny . . . Izany dia tsy nantsoina hoe andro na alina. Nanana fitsipika betsaka izy ireo, ary nino fa Izy no Zanak’Andriamanitra, ka nandeha tao amin’ilay hazavana

izay nananan'izy ireo, nanao ny fiangonany izy ireo, nanorina hopitaly sy sekoly sy ny sisa, ary ireo seminera, nandefa ny zanany nankany an-tsekoly.

²⁹³ Fa hoy ny mpaminany hoe, “Hisy Hazavana indray saiky eo amin’ny fotoana hariva. Hitsirika indray ilay Zanaka, hisy Hazavana.” Inona? Ilay Zanaka (Z-a-n-a-k-a) iray ihany izay voambara tao amin’ny nofo tamin’ny fotoana maraina, tany, dia ho voambara indray amin’ny fotoana hariva.

²⁹⁴ Ankehitriny dia ampitahao ny Masindahy Lioka 17:30, “Ary amin’izany andro izany, tahaka ny tamin’ny andron’i Sodoma, ilay filentehan’izao tontolo izao, amin’ny fotoana izay hanambarana ny Zanak’olona.”

Hisy Hazavana eo amin’ny fotoana hariva,
Ny lâlana mankany amin’ny Vonimahitra dia azo
antoka fa ho hitanareo.

²⁹⁵ Oh, oadray! Ry olona, aiza no misy antsika izao?

Rava ireo firenena, mifoha Israely,
Ireo famantarana izay nolazain’ireo mpaminany
mialoha;
Voaisa ny andron’ny Jentilisa, miaraka amin’ny
horohoro manarona; (Diniho izy mikorisao
anaty ranomasina!)
Miverena, O ry niely, amin’ny anareo manokana.

Akaiky ny andron’ny fanavotana,
Ketraka ny fon’ny olona;
Aoka ho fenoina ny Fanahy, ataovy voadio sy
mazava ny fanilonareo,
Miandrindrà! Akaiky ny fanavotana anareo.
(Tsaratsara kokoa ho anareo.)

²⁹⁶ Rahalahy, ranabavy, fotoana mampahatahotra izao. Diniho ireo zavatra izay naminaniana, diniho ireo zavatra mitranga. Diniho ny faminaniana rehetra izay tanteraka, avy eo dia hitantsika ny rehetra mikasika an’izao. Izany dia tsy andiana... fironana ho amin’ny fanatisma iray. Izany no Andriamanitra manamarina an’Ireo Teniny marina tokoa, marina tokoa. Nokapohina ilay Vatolampy, ry sakaiza, mandosira mankeo amin’Izany haingana arak’izay vitanareo. Manamarina ny andro izay iainantsika ny faminaniana.

²⁹⁷ Ndao isika hanondrika ny lohantsika. [Miteny amin’ny fiteny hafa ny rahalahy iray. Manome ny dikany ny anabavy iray. Hoy ny rahalahy iray teo amin’ny lampihazo hoe, “Afaka mipetraka tsara vetivety fotsiny ve isika? Niresaka tamintsika tamin’ny alâlan-dRahalahy Branham Andriamanitra, ary eo amin-dRahalahy Branham ilay hosotra, fa tsy mbola mamarana izy. Ary...” Elanelana tsy voaraki-peo—Mpand.]

²⁹⁸ Andriamanitra malala! Fantatrareo ve ilay andro izay iainantsika, ry sakaiza? Sahy hifamaly amin'Andriamanitra ve ianareeo? Hilaza ve ianareeo fa “Tsy marina Izzy,” nefà Izzy no nanaporofa an'Izany? Izzy no Mpandika teniny Manokana. Te-hanompo Azy ve ianareo?

Ankehitriny miaraka amin'ny lohanareeo miondrika, sy ny fonareo miondrika, rahalahy, ranabavy.

²⁹⁹ Mety ho izao no fotoam-pivoriantsika farany. Isika tsy mety intsony... Raha hiverina aho herintaona manomboka androany, raha velona aho, dia hisy maro eto ankehitriny izay tsy ho eto amin'izay fotoana izay. Ary hihaona aminareo eo amin'ny Hazo Fitsarana aho ka hamaly ny amin'ny zavatra rehetra izay nolazaiko izao hariva izao.

³⁰⁰ Eo anatrehan'Andriamanitra, raha mbola ao amin'ny sainareo tsara ianareo, hanao tokoa an'izao ho an'Andriamanitra ve ianareo ankehitriny? Raha fantatrareo fa ianareo dia... Jereo fotsiny ny tenanareo ao amin'ny fitaratra fijeren'Andriamanitra (ny Baiboly), tsy mampaninona na iza ianareo, dia manaova hoe, “Fantatro fa lavity ny maha-zanakavavin'Andriamanitra iray aho, jereo ny fomba ataoko. Lavity ny maha-zanakalahin'Andriamanitra iray aho, jereo ny fomba ataoko. Fa, Andriamanitra, tsy te-ho eto aho, izaho—te-hiezaka ho eo amin'io toerana io aho.” Tiako ianareo hanangana ny tanganareo amin'Andriamanitra, na iza fotsiny ianareo na iza, na aiza no misy anareo manerana ny tranobe, “Eny, te-ho zanakalahin'Andriamanitra iray aho. Te-hanatanteraka ny zavatra rehetra izay nandidian'ny Tompoko aho.” Ankehitriny ianareo... Andriamanitra hitahy anareo. Heveriko fa ny sivifolo isan-jaton'ny mpanatrika.

³⁰¹ Ankehitriny jereo eto, ry sakaizako. Ahoana moa raha velona tamin'ny andro izay nandrenesanareo an'i Jaona nitory teny ianareeo? Ahoana moa raha velona tamin'ireo andro izay nahateto an'i Jesosy ianareo? Lafiny inona no ho noraisinareo? Raha velona tao amin'ny an'i Jesosy ianareo... Tsarovy, raha Izzy... Raha velona tany aorianana tany ianareo, dia ho nitovy tamin'izao ankehitriny izao mihitsy izany. Ilay Jesosy iray ihany no mampahafantatra ny Tenany amin'ny alalan'Ny Teniny, hitanareo, nefà tena tsy malaza Izany.

³⁰² Fa mamelà ahy hiteny aminareo, tsy miezaka miteny amin'ny olona handao ny fiangonana aho na... Oadray, tiako ianareo handeha any am-piangonana, “Aza mahafoy ny fiarahanareo miangona.” Fa ny ezahako tenenina aminareo mba hatao dia misisaha ao amin'ny Fanjakan'Andriamanitra. Raiso ireo zavatra ireo, izao tontolo izao, ny fiangonana...

³⁰³ Ry Pentekotista, lasa arak'izao tontolo izao loatra ianareo olona. Mitovy amin'izao tontolo izao loatra ianareo. Mora fotsiny

ilay izy, manohy mijery televiziona sy ireo zavatra rehetra ireo ianareo, sy ny fomba izay ataon'izy ireo, ary *ity* rehetra ity, ka ny zavatra voalohany fantatrareo... Ireo seminera, ireo sekoly dia manomboka manao marimaritra iraisana eto sy etsy, ary *ity, itsy*, sy ny *hafa*, ary ny zavatra voalohany fantatrareo... Tsy maintsy tahaka an'izany no ahatongavan'ilay izy. Ny fiangonana Pentekotista, izy no efa fanohanana lehibe indrindra ho ahy, tsy afaka milaza na inona na inona manohitra an'izany aho. Saingy izao no antsoantsoiko hoe, "Ry rahalahiko, mivoaha!" Antso... Tsy manana an'ireo fivoriana izay nanananareo fahiny ianareo. Tsy tahaka azy fahiny intsony ireo olona. Fa Jesosy Kristy no tsy miova, ndao isika hiditra ao Aminy.

³⁰⁴ Ankehitriny, ianareo miaraka amin'ny tanganareo mitsangana, tsarovy, nisy Vatolampy iray nokapohina tany an-efitra, ary mbola misokatra foana io Loharano io izao hariva izao. Nokapohina ny Vatolampin'izy ireo, Kristy, Izzy io Vatolampy nokapohina io.

³⁰⁵ Ary izao hariva izao, arak'izay fantattro, ilay fiangonana dia mety... Mety efa lasa ilay fotoan'ny fiantsoana, tsy fantattro, tsy afaka milaza an'izany aho. Tsarovy, nanohy hatrany nanana an'ireo fivoriana ny olona, mitovy mihitsy, taorian'ny fanohomboana an'i Jesosy. Ary ny...ary ny olona rehetra, izy ireo—izy ireo dia ho avy, izy ireo... Diniho! Izy ireo—hanohy hitory teny hatrany izy ireo, sy hilaza fa izy ireo dia "efa voavonjy" sy ny sisa, toy ny hoe fotsiny... "Manohy araka ny nahe-izy azy izao tontolo izao," hoy izy ireo. Saingy ho tara loatra ilay izy amin'izay fotoana izay.

³⁰⁶ Raha mbola manana anjara iray ianareo, ry rahalahiko; raha mbola manana anjara iray ianareo, ry ranabaviko; midira ao amin'ny Fanjakan'Andriamanitra. Tsy mila miditra eo ambanin'ny zavatra hafa ianareo afa-tsy ny finoana mazava fotsiny mba hino Ny Teniny. Izy io Teny io! "Tompo Jesosy, fantattro fa mijery ny tenako eo amin'ny fitaratrity ny Tenin'Andriamanitra aho ankehitriny; oh, lavitra toy ny ahoana aho. Saingy, Andriamanitra malala, eto izao hariva izao, amin'ity Alatsaina ny hariva ity, eto San Bernardino, California, ato amin'ity toera-malalaka eto ity, izao no—izao ihany no ananako, Tompo, saingy hatolotro Anao izany. Handray ahy arak'izay maha-izy ahy ve Ianao, Tompo? Hamela ahy handeha eo amin'ny hazo fijaliana haingana mihitsy ve Ianao? Mahita an'ireo iraka mihitsy aza aho. Hitako ilay fotoana, hitako ilay antso hivoaka ao Sodoma. Hitako ireo famantarana. Hitako ny vondron'i Abrahama mandray an'ilay Hazavana. Hitako ilay fanehoana, Jesosy voaseho indray eo anivonay mihitsy tahaka ny tamin'izany. Hitako ireo zavatra rehetra izay Nampanantenainao. Hitako ireo mpaka tahaka; hitako Ianao nanao hoe, 'Tahaka ny tamin'ny andron'i Mosesy,' toy ny ahoana no hiverenan'io Jambra sy Jana io indray mba haka tahaka, ary

mbola mijanona mihitsy ao amin'ilay fanarium-pako iray ihany izay nisy azy ireo."

³⁰⁷ Hitanareo, tsy afaka nanaraka an'i Mosesy tamin'ny alàlan'io Teny io izy ireo ka nitondra an'ireo zanaka nivoaka avy tao ho any an-efitra, satria nikambana izy ireo tao Egypta. Tsy afaka nanao an'izany izy ireo, na dia nanao an'ireo asa iray ihany izay nataony aza. Fa tonga voasaho ny hadalan'izy ireo. Ary hoy ny Baiboly hoe, izany no HOY NY TOMPO HOE, "Hiseho indray izany amin'ny andro farany."

³⁰⁸ Ary mahita an'izany amin'ny masonareo manokana ianareo, raha ara-panahy. Izaho dia . . . Tsy afaka manazava an'Izany aho. Tsy ilaina ny hanazavako an'Izany. "Ny Ondriko mihaingo Ny Feoko." Ndao isika hankeo Aminy ankehitriny, raha mbola manana anjara iray isika. Sitrakareo ve?

³⁰⁹ Raha mila ny batisan'ny Fanahy Masina ianareo, raha mila fanokanan-tena indray ianareo, fiainam-baovao iray; tsy hanamavo anareo ny pasiteranareo, ho tia anareo izy ny amin'izany. Atolory manontolo ho an'Andriamanitra fotsiny ny tenanareo izao hariva izao, raha mbola eto isika. Ndao . . . Eny, fantattro fa sarotra izany, mandidy, hafahafa, tsy ny hasiaka no anaovako an'izany, manao an'izany aho mba hahitsy fo. Manao an'izany aho satria tiako ianareo, tiako Andriamanitra, ka manao an'izany aho mba hiezaka hanampy anareo. Ary marina tokoa, ry sakaiza, izaho—izaho—izaho dia mino . . . Ary amin'ny foko rehetra, amin'ny finoako rehetra, dia mino aho fa avy amin'Andriamanitra ny Hafatroy. Izany dia—efa voaporofotaminareo Izany, nandrity ny taona maro.

³¹⁰ Henoy ankehitriny, afoizo ny zavatra rehetra izay anananareo izao hariva izao, ny zavatra rehetra izay ilainareo. Mino aho, amin'ny fo marina iray, voatolotra, fa raha hitsangana fotsiny ianareo, sy manangana ny tànanareo amin'Andriamanitra, ary manao hoe, "Andriamanitra malala, inty aho. Raiso aho, Tompo. Tsy hiezaka intsony aho hampiasa ny hevitro manokana sy ny fandikako manokana. Ny Teninao no milaza fa izaho dia tsy maintsy 'masina, izaho dia tsy maintsy ateraka indray, izaho dia tsy maintsy feno ny Fanahy, ary avy eo dia ny Fanahy no hitarika ahy ao amin'ny Fahamarinana rehetra.' Andriamanitra malala, inty aho, tariho aho." Hanao an'izany tokoa ve ianareo? Raha manao an'izany tokoa ianareo, dia atsangano ny tànanareo, manao hoe, "Sitrako ny hanao an'izany, sitrako tokoa."

³¹¹ Noho izany dia ndao isika hitsangana.

Arak'izay maha-izy ahy fotsiny, tsy misy
fiangaviana iray,
Afa-tsya Ny Rànao nalatsaka ho ahy,

Ary Ianao no nanasa ahy hanatona Anao,
 O ry Zanak'ondrin'Andriamanitra,
 (Varavar'an'Andriamanitra tokana)...inty!
 Izaho...

Ankehitriny dia raiso ny asanareo rehetra, ny zavatra hafa, ny havizananareo, ny zavatra rehetra... Ahoana moa raha eo am-pahafatesana ianareo ankehitriny?

Amin'izay maha-izy ahy fotsiny, no Handraisanao, Hiarahabanao, hamelanao, hanadiovanao, handraisanao; Satria aho...

Hanangana ny tanganareo ve ianareo, eto amin'ity andininy ity ankehitriny?

Mampanantena aho, hino aho,
 O ry Zanak'ondrin'Andriamanitra, inty aho! Inty aho!

³¹² Ankehitriny raha mbola manohy ny mpitendry orga—manohy mitendry, ndao isika tsirairay avy...

³¹³ Ry tanoraadolantsento, tianareo ve ny hitovy amin'io eny andàlambe eto io, io andiana jiolahimboto io?

³¹⁴ Ranabavy, tianareo ve ny hitondra volo fohy, nefajahan'ny Naziritanareo ho an'Andriamanitra ny manana volo lava? "Henatra ho azy ny manapaka ny volony." Te-hanao an'ireny zipo fohy ratsy sy ny sisa izay anaovan'izy ireo amin'izao andro izao ireny ve ianareo, io—io fitafiana tsy maotina io, miaraka amin'ny vatanareo miseho eo amin'izany, eny andàlambe eny? Efa fantatrareo ve fa ny lehilahy rehetra izay mijery anareo dia mijangajanga aminareo ao am-pony? Nefajianareo mampiseho ny tenanareo tahaka an'izany. Fantatrareo ve, ry vehivavy, ianareo izay manao lokon-tarehy, fa vehivavy iray ihany no mba nanao lokon-tarehy ao amin'ny Baiboly? Ary nataon'Andriamanitra sakafon'alika izy. Jezebela iray, anarana izay nankahalaina nanomboka tamin'ny androny, noho ireo fihetsiny tamin'izany. Fantatrareo ve fa i Elia mpaminany no nanozona an'izany ka niantso azy tamin'izany fomba izany? Fantatrareo ve fa Herodiassy no nenjehan'i Jaona Mpanao-batisa? Ianareo ve... Tsy te-ho zavatr'io Hollywood an'izao tontolo izao io ianareo. "Raha tia an'izao tontolo izao ianareo na ireo zavatr'izao tontolo izao, dia tsy ao aminareo ny fitiavana an'Andriamanitra."

³¹⁵ Rahalahy, ry sakaiza mpitoriteny, tsy misy na inona na inona... Aoka hahazo ahy azafady, rahalahinareo aho. Te-hampikambana ny tenanareo ve ianareo, ary ianareo mpikambam-piagonana avy amin'ny fiagonana sasany (Metodista, Batista, na inona no efa nisy anareo), te-hifikitra eo amin'izany anaram-piagonana izany ve ianareo satria nifikitra tamin'izany ny reninareo sy ny renibenareo? Nivoaka

avy tamin'ny zavatra iray izy mba hiditra ao amin'izany, izany no Hazavan'izany andro izany; izany, tahaka ny tamin'ny andron'i Noa. Ity dia andro hafa iray.

³¹⁶ Hoy ianareo hoe, "Eny, izaho efa nanana ny . . ."

³¹⁷ Tsy andron'ny Pentekosta ity. Efa lasa ny taonan'ny Pentekotista. Efa vita ny Pentekosta, fotoan'ny fijinjana ity. Hitanareo? Ary ny fotoan'ny fijinjana, ilay voa; efa niraraka ny rano, lasa masaka ilay voa. Midira ao amin'ilay voa, ry rahalahy malalako. Henoy aho, minoa ahy, raha mino ahy ho mpanompon'Andriamanitra iray ianareo, aoka ny tsirairay avy, ao amin'ny fanaontsika manokana, hanondrika ny lohantsika amin'ny fanetre-tena ka hanolotra ny vavaka izay isika—izay fantatsika fa tokony hatolotsika hoe, "Andriamanitra, raiso arak'izay maha-izy ahy aho."

³¹⁸ Ary rahalahy, ranabavy, izaho dia mametraka ny tenako eto amin'ny alitara izao hariva izao, ihany koa: Andriamanitra, lasiro aho ka ataovy hafa. Manaova zavatra, Andriamanitra, amboary amin'ny Fombanao aho.

³¹⁹ Mihevitra ve ianareo fa mora ny mitsangana eto ka mandrantsana ny olona ho potipotika tahaka an'izao? Zavatra iray sarotra hatao izany. Saingy lozako raha tsy manao an'izany aho.

³²⁰ Andriamanitra malala, raha manondrika ny lohany sy ny fony ity mpanatrika ity, ao amin'izao fotoana feno haja eto izao an'ny famaranana ny famakiana an'ity Baiboly ity; rehefa hitanay ny fanamarinan'ny Fanahy Masina izay nanozongozona an'ity firenana ity nandroso sy niverina, ary nandroso sy niverina, ireo fifohazana sy fanoroana lehibe, mahafantatra fa tsy maintsy misy zavatra manaraka an'izany. Ary avy eo dia mahita an'ireo Anjely fito nidina teo antampon'ilay tendrombohitra tany Arizona tany, rehefa ireo magazina nanerana ny firenena mihitsy aza no naka Azy. Ny mahita an'i Jesosy Izy tenany teny amin'ny lanitra tany, njery ambany, ary nilaza fa, "Ao amin'ny Apokalypsy 10:7, ao amin'ny Hafatry ny anjely fahafito, dia hisokatra ireo tombokase ireo, hampahafantarina ireo zava-miafin'Andriamanitra." Ka ireo mpanavao dia tsy velona ela loatra mba—mba hamoaka an'izany. Ary indro, ireo tombokase fito ireo izay nanisy tombokase an'ilay zavatra manontolo fa tsy maintsy hisokatra amin'izao andro izao. Ny mahita an'ireo famantarana sy fahagagana lehibe izay efa vita, voamarina, nolazaina mialoha talohan'ny nitrangany, ka tsy nisy fotoana iray mba Nanadisoanao anay, fa nanao azy hiseho araka ny nilazana azy mihitsy.

³²¹ Andriamanitra malala, fantatray fa eto afovoanay Jesosy Kristy. Fantatray fa eto Izy. Eto Izy izao hariva izao, miaraka aminay eto ilay Andriamanitra tsy hita maso, ary afaka manamarina ny teny fikasana rehetra izay Nataony

tao amin'Ny Teniny. Toy ny ahoana no Nitsangananao sy nanaporofoinao tamin'izy ireo, niaraka tamin'ny lamosina nitodika, tao amin'ilay fiandohana tany am-piandohana teo anatrehan'ireo mpaka tahaka izay hany niditra teo amin'ny sehatra, Tompo, na niditra teo amin'ilay—ilay—ilay hazakazaka, arak'izay naha-izy azy. Ianao no naneho sy nanaporofo, naminany ary niteny marina tokoa ny fomba hitrangany, ka hitanay ilay izy nitranga tahaka an'izany. Ary Ray, Andriamanitra, fantatray fa tsy mety ho olona izany, tsy maintsy ho Andriamanitra izany. Noho izany dia fantatray fa ilay izy dia Ianao eto izao hariva izao. Mamelà anay ny amin'ny fahotanay.

³²² Andriamanitra malala, efa nanasitrana ny aretinay Ianao, ankehitriny ave—avelao ny fahotanay, Tompo, nohon'ny tsy naha-karazana Kristiana izay tokony haha-izy anay, tsy... Milaza ho lehilahy na vehivavin'ny Filazantsara feno, nefo indro izahay fa mahita ny tenanay mitsikasina tahaka ny akohovavy ara-anaram-piangonana iray. Ampio izahay, Andriamanitra malala, raiso izahay ary hozongozony amin'Ny Fanahinao Masina. Ary raha misy zavatra ao anatinay izay tsy mitovy Amino, dia esory aminay izany, Tompo. Ary amboleo eo amin'ny Teny Masin'Andriamanitra ny tongotray, ka aoka ny Fanahy Masina no hirehitra ao anatin'ny fonay ary hanala ny faikan'ny tsi-finoana rehetra sy ny faharendreman'izao andro izao; oh, mitsangana ka hozongozony ny tenanay. Ekeo izany, Andriamanitra. Diovy izahay! Lasiro izahay! Amboary izahay! Andriamanitra, ekeo izany.

³²³ Raha misy eto izao hariva izao, Tompo, izay mihazona an'io voa io ao anatin'ny fony, io tsirin'ain'Andriamanitra izay voatendry ho amin'ny Fiainana hatramin'ny fanorenana an'izao tontolo izao io; fantatro, Tompo, fa an-dàlam-pihainoana izy ireo amin'izao ora izao. Noho izany, dia mivavaka aho, Andriamanitra, mba Hamenoanao ny fanahin'izy ireo sy hanazavanao azy ireo amin'ny batisan'ny Fanahy Masina vaovao, ary hanirahanao azy ireny eny amin'ny lâlany, mifaly sy sambatra.

³²⁴ Tompo Andriamanitra, izy ireo... Atolotro Anao izy ireo. Tsy fantatro hoe iza izy ireo, Ianao no mahafantatra. Tompon'andraikitra history Ny Teninao fotsiny aho, Tompo, araka ny Anambaranao Azy. Ianao no tompon'andraikitra amin'ny sisa amin'izany: izay ilatsahan'ilay Voa. Manipy Azy fotsiny aho. Tompo Andriamanitra, mivavaka aho mba hilatsahan'Izany ao amin'ny tany tsara, lonaka izao hariva izao. Mba ho maro no hahita an'Izany, Tompo, ka hitsangana ho Kristiana mamiratra amin'izao andro farany izao, ary ilay zavatra lehibe izay antenainay ho avy anie, mba ho avy haingana. Ekeo izany, Tompo. Ary handray Ny Fiangonanao Ianao, Ny Ampakarinao, ka haka Azy ho any an-trano. Mahita an'Izany mipetraka tanteraka ao amin'ny lamina izahay. Avia,

Tompo Jesosy. Mametraka an'izany rehetra izany Aminao izahay, amin'ny Anaran'i Jesosy Kristy, ho an'ireo vokatra. Amena.

Tiako Izy, tiako Izy
 Satria nitia ahy mialoha Izy
 Ka nividy ny famonjeko
 Teo amin'ny Kalvary . . .

³²⁵ Tianareo ve Izy? Eny, noho izany dia tsy maintsy mifankatia ianareo. Raiso ny tànan'ny hafa iray raha mihira an'izany indray ianareo:

Tiako Izy, tiako Izy
 Satria nitia ahy mialoha Izy
 Ka nividy ny famonjeko
 Teo . . .

³²⁶ Ndao isika hanome *Azy* ny dera. Firy no mahay an'ity hira ity:

Ho deraiko Izy, ho deraiko Izy,
 Derao ilay Zanak'ondry voavono ho an'ny mpanota;
 Omeo voninahitra Izy ianareo olona rehetra,
 Fa Ny Ràny no nanasa ny pentipentina tsirairay.

³²⁷ Ndao isika hihira an'izany ankehitriny:

Ho deraiko Izy, ho deraiko Izy,
 Derao ilay Zanak'ondry voavono ho an'ny mpanota;
 Omeo voninahitra Izy ianareo olona rehetra,
 Fa Ny Ràny no nanasa ny pentipentina tsirairay.

³²⁸ Tsy mahatsapa ho voakosoka tanteraka ve ianareo? Atsangano ny tànanareo ka manaoa hoe, "Oh, manao ahy hahatsapa ho tsara izany." Rahalahy, tiako ireny hira tamin'ny andro fahiny ireny. Ary ianareo? Midina mankao am-po izy ireo.

Ho deraiko Izy, ho deraiko Izy,
 Derao ilay Zanak'ondry voavono ho an'ny mpanota;
 Omeo voninahitra Izy ianareo olona rehetra,
 Fa Ny Ràny no nanasa ny pentipentina tsirairay.

³²⁹ Ndao isika hanangana ny tànantsika fotsiny ankehitriny ka hidera an'Andriamanitra, ny tsirairay avy amintsika, amin'ny fanaontsika manokana:

³³⁰ Tompo Jesosy, misaotra Anao izahay. Midera Anao izahay, Tompo. Omenay Anao ny dera nohon'ny vahoaka iray nantsoina nivoaka, avy tao Babylona. Misaotra Anao izahay nohon'ny Ràn'Ny Zanakao, Jesosy Kristy. Misaotra Anao izahay satria Izy no manao anay hadio amin'izao minitra izao. Izahay dia mam- . . . Mangataka famelàna ny amin'ny fahadisoanay izahay, ny havendrananay, Tompo, ny fahatafitohinanay ao anatin'ny

aizina. O Andriamanitra, enga anie hitsangana izahay ka hamiratra, ary handeha ao amin'ny Hazavan'ny hariva, ary ho voa avy amin'ilay Hazo izay mivoaka avy amin'ireo Hazavan'ny hariva. Ekeo izany, Andriamanitra malala. Mametraka ny tenanay Aminao izahay, amin'ny Anaran'i Jesosy Kristy.

³³¹ Ankehitriny miaraka amin'ny lohanareo miondrika, dia atolotro anareo ireo pasitera izay manohana ny fotoana. 

*IREO ZAVA-MITRANGA MODERINA DIA LASA
MAZAVA NOHON'NY FAMINANIANA MAG65-1206*
(Modern Events Are Made Clear By Prophecy)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Alatsinainy hariva, 6 Desambra 1965, ho an'ny fanasan'ny Full Gospel Business Men's Fellowship International tao amin'ny Orange Show Auditorium ao San Bernardino, California, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org